

河南洛陽縣志

清嘉慶十八年

陸繼輅魏襄同纂

洛陽縣志卷五十四

洛陽縣知事曾炳章重印

舉人陸繼輅

清洛陽縣知縣魏襄同纂

循吏傳

吳公漢書賈誼傳上蔡人文帝時為河南太守治平

為天下第一詔拜廷尉


黃霸漢書循吏傳字次公淮陽陽夏人由河東均輸

長察廉為河南太守丞霸為人明察內敏又習文法

然溫良有讓足知善御眾為丞處議當於法合人心

太守甚任之吏民愛敬焉

魏相漢書本傳字弱翁濟陰定陶人宣帝時為河南



太守禁止姦邪豪強畏服會丞相車千秋死時千秋
子為雒陽武庫令自見失父而相治郡嚴恐久獲罪
乃自免去相見霍光光責相曰丞相不在而斥逐其
子何淺薄也遂以他事下相獄河南卒戌中都官者
二三千人遮大將軍自言願復留一年以贖太守罪
河南老弱萬餘人又守關欲入上書關吏以聞會赦
出復有詔守茂陵令

貢禹 漢書本傳字少翁瑯琊人宣帝時為河南令有
善聲歲餘以職事為府官所責免官禹曰冠一免安
復可冠也遂去官元帝即位徵為諫大夫

韋元成 漢書韋賢傳字少成魯國鄒人丞相賢之子

元帝時河南太守有治行數歲徵為未央衛尉

召信臣 漢書循吏傳字翁卿九江壽春人以明經甲

科為郎出補穀陽長累遷南陽太守政化大行吏民
親愛號之曰召父後遷河南太守治行常為第一復
數增秩賜金竟寧中徵為少府列于九卿

王嘉 漢書本傳字公仲平陵人以明經射策甲科為
郎鴻嘉中舉敦朴能直言召見宣室遷大中大夫出
為九江河南太守治甚有聲

王崇 漢書本傳瑯琊阜虞人建平中為河南太守以
課最第一徵為御史大夫

陳遵 後漢書本傳字孟公杜陵人為河南太守以明

敏稱嘗召善書吏十人於前治書謝京師故人遵憑
几口占書吏且省官事書數百封親疏各有意

翟義 漢書翟方進傳字文仲汝南上蔡人丞相方進
子少以父任為郎後遷河南太守所居著名有父風
烈

董宣 後漢書本傳字少平陳留圉人建武中為洛陽
令時湖陽公主蒼頭白日殺人因匿主家吏不能得
及主出行而以奴驂乘宣於夏門亭候之乃駐車叩
馬以刀畫地大言數主之失叱奴下車因格殺之主
即還宮訴帝帝令宣謝主不從強之宣兩手據地終
不肯俯上因勅疆項令出賜錢三十萬宣悉以班諸

吏由是搏擊豪彊莫不震慄京師為之歌曰枹鼓不
鳴董少平

袁安 後漢紀字邵公汝南宛人為河南尹十年政號
嚴明然未嘗加罪鞠人常稱曰凡士學問上欲望宰
相下則牧守錮人於聖代尹所不為也其下聞之皆
自激厲名重朝廷

索盧放 後漢書獨行傳字君陽東郡人建武六年徵
為洛陽令政有能名徙諫議大夫以疾去建武末使
人與之見於南宮雲臺賜穀二千斛遣歸

虞延 後漢書本傳字子大陳留東昏人為洛陽令時
陰氏客馬成常為奸盜延收考之信陽侯陰就譖延

多所冤枉帝乃臨御道之館親錄囚徒延陳其獄狀
可論者在東無理者居西成乃回欲趨東延前執之
謂曰爾人之巨蠹久依城社不畏熏燒今考實未竟
宜當盡法成大呼稱枉陞戟郎以戟刺延叱使置之
帝知延不枉謂成曰汝犯王法身自取之呵使速去
後竟伏誅於是外戚斂手莫敢干法三年遷南陽太
守

范遷 後漢紀字子廬沛國人明帝時為河南尹有清
行不蓄財利死之日家無擔石焉

宋均 後漢紀字叔庠南陽安眾人永平七年遷司隸
校尉河南太守政化大行每疾百姓耆老皆為禱請

旦夕至府問訊起居

周紆 後漢書本傳字文通下邳徐人和帝時拜洛陽令下車問大姓主名吏數閭里豪強以對紆厲聲怒曰本問貴戚若馬竇等輩豈欲知此賣菜傭乎于是郡吏望風旨爭以激切為事貴戚跼蹐京師肅清方儲 後漢紀字聖明丹陽人善天文為洛令帝祀南郊儲上言當有疾風暴雨乘輿不可出上疑其妄是日果大風雨洛陽晝晦時縣功曹竇憲客受憲旨殺人斷頭置廐門下欲陷儲去官儲摩死者耳問誰所殺有頃曰死人言為功曹所殺收拷具服

王渙 後漢書本傳字稚子廣漢郟人為洛陽令平正

明察得寬猛之宜疑獄久訟人弗能決斷法理所難
平者莫不由盡情偽壓塞羣疑又屢發摘姦伏京師
稱神元興元年病卒百姓市道莫不咨嗟男女老壯
相與賦歛致奠醊以千數渙喪西歸道經宏農民庶
皆設槃案於路吏問故咸言平日持米到洛為卒司
所鈔恒亡其半自王君在事不見侵枉故來報恩其
政化懷人如此民思其德為立祠宇陽亭西每食輒
絃歌薦之永初二年鄧太后詔曰故洛陽令王渙秉
清修之節蹈羔羊之義盡心奉公務在惠民功業未
遂不幸早世百姓追思為之立祠自非忠愛之至孰
能若斯者乎今以渙子石為郎中以勸勞勤後桓帝

事黃老悉毀諸房祀特詔洛陽存王渙祠焉
任峻後漢書本傳字叔高渤海人自王渙後洛陽令
皆不稱職永元中以峻補之峻擢用文武吏皆盡其
能剔奸除盜令行禁止雖威猛于渙德化未孚然亦
能吏也

祝良長沙耆舊傳字石卿長沙人順帝時為洛陽令
歲時亢旱天子祈雨不得良乃暴身階庭告誡引罪
自晨至日中紫雲沓起甘雨登降人為之歌曰天久
不雨烝民失所天王自出祝令特苦精符感應潏沱
下雨後漢書龐參傳參妻殺前妻子時良為洛陽令
入太尉府發其罪有司以良不先聞辱宰輔被逮洛

陽吏民詣闕請代者日數萬人

周暢 後漢紀字伯通安城人安帝末為河南尹時夏
旱久禱無應暢因收葬洛城傷客死骸骨凡萬餘人
應時澍雨歲乃豐稔

羊陟 後漢書黨錮傳字嗣祖梁父人靈帝時為河南
尹計日受俸常食乾飯茹蔬禁制豪右京師憚之會
黨事免官

房植 後漢紀字伯武清河人桓帝時為河南尹有名
當朝鄉人為之謠曰天下規矩房伯武

馬鯤 後漢紀字鴻卿巴郡宕渠人延熹中為河南尹
上言舊典中官子弟不得為牧人職帝不納

劉祐 後漢書黨錮傳字伯祖中山安國人初察孝廉
補尚書侍郎閑練故事除任城令遷河東太守平理
冤結政為三河表再遷延熹四年拜尚書令又出為
河南尹轉司隸校尉時權貴子弟罷州郡遷入京師
者每至界首輒改易輿服隱匿財寶威行朝廷拜宗
正三轉大司農袁宏後漢紀天下稽古劉伯祖
李膺 後漢書本傳字元禮襄城人延熹中為河南尹
時宛陵大姓羊元羣罷北海郡贓罪狼藉膺表欲按
其罪元羣賂宦豎膺反坐輸作左校司隸校尉應奉
上疏曰膺投身強禦畢力致罪猥受譖訴不蒙降恕
遐邇觀聽為之歎息帝納其言即拜膺為司隸校尉

張讓弟朔為野王令暴虐聞膺至乃逃匿讓宅合柱
中膺帥吏卒破柱捕殺之自此黃門常侍皆屏氣畏
之

孔昱 後漢書黨錮傳字元世魯人少習家學大將軍
梁冀辟不應太尉舉方正對策不合乃辭病去後遭
黨事禁錮靈帝即位公車徵拜議郎補洛陽令以師
喪棄官卒于家

袁宏 後漢紀海內才珍孔世元

李燮 後漢書本傳字德公漢中南鄭人靈帝時為河
南尹時既以貨賂為官詔書復橫發錢三億以實西
園燮上書陳諫辭義深切帝乃止燮在職三年卒時

人感其世忠正咸傷惜焉

何進 後漢書本傳字遂高宛人靈帝時為河南尹中
平初黃巾賊張角亂以進為大將軍屯兵都亭以鎮
京師角黨馬元義謀起洛陽進發其奸以功封慎侯
何苗 後漢書何進傳進之弟靈帝時為河南尹中平
四年滎陽數千人羣起攻燒郡縣殺中牟令詔使苗
出擊之苗攻破羣賊而還上遣使者迎于成臯拜為
車騎將軍

田歆 後漢書种暠傳安帝時為河南尹時种暠為門
下史歆外甥王謀名知人歆曰今當舉六孝廉欲用
一名士以報國家爾助我求之明日謀送客于大陽

郭見嵩異之還白歆曰得孝廉矣近洛陽門下史也
歆笑曰當得山澤隱滯迺洛陽吏邪謀曰山澤不必
有異士異士不必在山澤歆即召嵩於庭辯詰職事
嵩辭對有序歆甚知之召署主簿遂舉孝廉

橋元 後漢書本傳字公祖雒陽人桓帝末為洛陽左
尉時梁不疑尹河南元以公事當詣府受對恥為所
辱棄官還鄉里建寧初徵入為河南尹甚有治行
周異 三國志周瑜傳廬江舒人瑜之父為洛陽令有
政蹟

朱儁 後漢書本傳字公偉會稽人獻帝時拜河南尹
時董卓擅政以儁宿將外甚親納而心實忌之及關

東兵盛卓懼數請公卿會議徙都長安儁執止之卓雖惡儁異已然貪其名重乃表遷太僕以為己副使者拜儁辭不肯受乃止及卓入關留儁守洛陽而儁與山東諸將約為內應既而懼為卓所襲乃棄官奔荊州後卓誅擢儁為太師

傅嘏 魏志本傳字蘭石泥陽人魏正始中拜河南尹其治以德教為本然持法有恒簡而不可犯見理識情獄訟不加櫓楚而得其實不為小惠有所薦達及大有益於民事皆隱其端迹若不由己出故當時無赫赫之名吏民久而思之

王昶 魏志本傳字文舒太原晉陽人魏黃初中為洛

陽典農時都畿樹木成林昶斫祛荒萊勸勸百姓墾
田特多遷兗州刺史

司馬芝 魏志本傳字子華河內溫人黃初中為河南
尹抑強持弱私請不行會內官欲以事託芝不敢發
言因芝妻伯父董昭昭亦憚芝不為通自魏興以來
為河南尹者莫及子岐嗣自河南丞轉廷尉正見芝
傳

劉靖 魏志本傳沛國相人黃初中為河南尹初雖如
碎密終於百姓使之

李勝 魏志本傳字公昭廣漢雒人魏明帝時為洛陽
令累遷河南尹勝前後所歷宰守未嘗不稱職焉

王恂 世說新語字子良東海郡人有通識在朝忠正
歷河南尹侍中所居有稱高令袁毅餽以駿馬恂知其貪不受毅竟以贖貨敗

杜預 晉書本傳字元凱杜陵人泰始中為河南尹預以京師王化之始自近及遠凡所施論務崇大體以孟津渡險有覆沒之患請建河橋於富平津議者以為殷周所都歷聖賢而不作者必不可立故也預曰造舟為梁則河橋之謂也及橋成帝從百僚臨會舉觴屬預曰非君此橋不立也對曰非陛下之明臣亦不得施其微巧周廟敬器至漢東京猶在御坐漢末喪亂不復存形制遂絕預創意造成奏上之帝甚嘉

歎焉

曹攄 晉書良吏傳字顏遠譙國譙人由臨淄令轉洛陽仁惠明斷百姓懷之時天大雨雪宮門夜失行馬羣官檢察莫知所在攄使收門士衆官咸謂不然攄曰宮掖禁嚴非外人所敢盜必是門士以燎寒耳詰之果服以病去官復為洛陽令

樂廣 晉書本傳字彥輔濟陽人泰始中為河南尹廣所在為政無當時功譽然每去職遺愛為人所思沈勁 晉書忠義傳字世堅吳興武康人少有節操升平中慕容恪侵逼山陵時冠軍將軍陳祐守洛陽勁自表求配祐効力詔補冠軍長史後祐帥衆奔亡勁

以五百人守城志欲致命欣獲死所城陷被執神色
自若恪奇而將宥之慕容虔曰勁雖奇士觀其志度
終不為人用赦之必為後患遂遇害恪還從客言於
慕容暉曰定洛陽而殺沈勁實有愧於四海朝廷聞
而嘉之贈東陽太守

楊佺期 晉書本傳華陰人震之後咸康中為河南太
守時苻堅入寇佺期擊走之斬獲甚衆進龍驤將軍
卒恭靖 晉書忠義傳隴西狄道人隆安中為河南太
守會姚興來寇恭靖同守百餘日以無救而陷被執
至長安興欲脅以降恭靖罵賊不屈興怒幽之別室
經三年恭靖誑守者乃踰垣而遁歸於江東安帝嘉

之擢諮議參軍

胡毋輔之

晉書本傳字彥國奉高人為河南令少擅

高名有知人之鑒王澄嘗謂人曰彥國吐佳言如銀
水屑霏霏不絕誠為後進領袖也

索靖

晉書本傳字幼安燉煌人太安末河間王顓舉

兵向洛陽拜靖後將軍使持節監洛城諸軍事與顓
戰大破之靖亦被傷而卒追贈太常

李矩

晉書本傳字世迴平陽人永嘉初為司州刺史

時宏農太守尹安振威將軍宋始等四軍並屯洛陽
各相疑阻莫有固志矩與河內太守郭默各遣千騎
至洛以鎮之安等乃同謀告石勒勒遣石生帥騎五

千至洛陽矩默軍皆退還俄而四將復背勒遣使乞
迎矩默又遣步卒五百人入洛石生以四將相謀不
能自安乃虜宋始一軍渡河而南百姓相帥歸矩于
是洛中遂定

毛修之南史本傳字敬文陽武人宋高祖時為河南
太守戍洛陽修治城壘帝至案行善之賜衣服玩好
擢為安西司馬

裴松之南史本傳字世期河東聞喜人宋武帝北伐
時以松之為司州主簿轉中從事既尅洛陽松之居
州行事帝後遣毛德祖使洛陽因勅之曰松之廊廟
之才不宜久居邊務今召為太子洗馬可令知之

獨孤永業 北史本傳字世基中山人天保時為洛州
刺史河陽行臺左丞甚有威信遷行臺尚書永業久
在河陽善于招撫周人憚之性鯁直不交權勢武平
三年改幽州刺史河洛人庶多思永業又除河陽道
行臺洛州刺史

甄琛 魏書本傳字思伯中山毋極人魏宣武間累遷
河南尹時多寇盜琛以里正職輕任碎不能督察表
請少高其品選下品中應遷者進而為之又奏以羽
林為游軍于諸坊巷司察盜賊於是京邑清靜後皆
踵焉

于栗磾

魏書本傳代人登國中拜冠軍將軍假新安

子車駕至見其道路修理大悅進假新安公劉裕代
姚泓粟磾慮其北擾遂築壘于河上親自守焉禁防
嚴密裕甚憚之進爵新安侯洛陽雖歷代所都久為
邊裔城闕蕭條野無烟火粟磾刊闕榛荒勞來安集
德刑既設甚得百姓之心太宗南幸孟津謂粟磾曰
河可橋乎粟磾曰杜預造橋遺事可想乃編次大船
構橋於冶坂六軍既濟太宗深歎美之
高道悅魏書本傳宇文欣遼東新昌縣人元魏太和
間以御史中尉留守洛京時宮闕初基廟庫未構車
駕將由水路幸鄴已詔都水官回鑿構大材以造舟
楫道悅表諫以為缺居宇之功作游嬉之用損耗殊

倍又深薄之危古今共慎於是帝遂從陸路還

高崇魏書本傳遠東人魏景明中除洛陽令詔許面

陳所懷以故崇常得入奏是非朝貴斂手無敢干政

元仲景北史本傳廷昌初為河南尹奉法無私時吏

部尚書樊子鵠部下縱橫又為盜竊仲景密加收捕

咸即行決豪貴寒心累遷中軍大都督

韋祐北史本傳字法保京兆山北人魏孝昌間為河

南尹嘗與東魏戰流矢中頸從口中出久乃蘇後加

驃騎大將軍儀同三司會東魏遣軍送糧饋宜陽祐

潛邀之中矢卒於陣諡曰莊

魏元魏書本傳字僧智任城人後徙新安少慷慨有

瞻畧孝武時帥鄉兵拒東魏芒出之役大軍不利宜陽洛州皆為東魏守而元母及弟並在宜陽元以為忠孝不兩立乃帥義徒還闕南鎮撫周文手書勞之除洛陽令封廣宗縣子保定元年累遷驃騎大將軍開府儀同三司

元志魏書本傳字猛畧河間公之孫少清辨強幹為洛陽令與御史李彪爭路入見帝彪言安有治洛陽令與臣抗衡志言朝廷主一縣普天之下誰不編戶豈有撫字之官避御史者高祖詔以分路揚鑿志出與彪折尺量道帝謂邢巒曰此兒竟可邢巒曰露竹霜條故多勁節非鸞則鳳其在本枝也

宋翻 魏書本傳字飛鳥廣平人世宗初拜河陰令轉
洛陽令孝莊時除司徒左長史撫軍將軍河南尹初
翻為河陰令順陽公主家奴為劫攝而不送翻將兵
圍主宅執主壻馮穆步驅向縣時正炎暑立之日中
流汗霑地縣舊有大枷時人號曰彌尼青及翻為縣
主吏請焚之翻曰且置南牆下以待豪家未幾有內
監楊小駒詣縣請事辭色不遜命取尾青以鎮之既
免入訴於世宗世宗大怒敕河南尹推治其罪翻具
自陳狀詔曰卿故違朝法豈不欲作威以買名翻對
造者非臣買名者亦宜非臣所以留者非敢施於百
姓欲待充暴之徒如小駒者耳於是威振京師

樊子蓋 隋書本傳字華宗廬江人大業間為檢校河南內史車駕至高陽追詣行在所帝勞之以比蕭何寇恂加光祿大夫

夏侯端 唐書忠義傳壽州人高祖時為河南道招慰使會亳汴二州已降王世充道塞無所歸世充遣人以吏部印綬召端端叱之曰吾天子使寧污賊官耶即焚其書乃解節旄懷之由間道歸體髮俱焦入謁帝憫之拜祕書監

李勣 唐書本傳字茂功曹州離狐人武德初為河南大總管時徐圓郎叛上命勣討平之

楊恭仁 唐書本傳隋宗室武德末為洛州都督太宗

嘗謂之曰洛陽要重任難其人故以委公恭仁至則
政務大體不事苛察且其性冲厚以禮自閑未嘗與
物忤時人方之漢石慶云

蕭瑀 唐書本傳字時文後梁明帝子太宗時拜河南
道巡省大使以稱職聞復召入參預政事

竇軌 唐書竇威傳字士則岐山平陸人貞觀初為洛
州都督周洛間因隋亂人不土著軌下令諸縣有游
手末作者按之由是威信大行民皆趨本卒贈并州
都督

賈敦頤 唐書循吏傳曹州冤句人永徽中累遷洛州
刺史時豪右占田多踰制敦頤舉沒者三千餘頃以

賦貧民發姦擿伏下無能欺

賈敦實 唐書賈敦頤傳敦頤弟咸亨初為洛州長史政亦寬惠人心懷向洛陽令楊德幹矜酷烈杖殺人以立威敦實喻止曰政在養人傷生過多雖能不足貴也德幹為衰減始洛人為敦頤刻碑大市屠及敦實入為太子右庶子人復為立碑其側故號曰棠隸碑

狄仁傑 唐書本傳字懷英太原人武后時徙洛州司馬有善政去官民愛仰之為立祠

宋務光 唐書本傳字子昂西河人武后時以監察御史巡察河南道適境內滑州七縣而分封者五王賦

少於侯租入家倍於輸國請以封戶均餘州又請食
賦附租庸歲送停封使息傳驛之勞不見納後以考
最進殿中侍御史

張柬之 唐書本傳襄陽人永昌初為洛州司馬武后
求才欲仁傑薦之他日又問仁傑曰臣嘗薦張柬之
未用也遂擢為司刑少卿

魏元忠 唐書本傳宋州宋城人聖歷初為洛州長史
治號威明時張易之家奴暴百姓橫甚元忠笞殺之
權豪憚服遠隴右諸軍大使

張仁愿 唐書本傳華州下邳人神龍中以左屯衛大
將軍兼檢校洛州長史會穀貴多盜仁愿一切捕殺

出績府門畿甸震攝無敢犯先是賈敦頤嘗為長史
有政績時人為之語曰洛有前賈後張敵京兆三王
陸餘慶唐書陸元方傳蘇州吳縣人開元初為河南
河北道宣撫使博訪俊彥嘗薦達奚珣等於朝後皆
為知名之士

崔隱甫唐書本傳貝州武城人開元初為洛陽令梨
園弟子胡雛善笛有寵負罪匿禁中帝以他事召隱
甫從容指曰就卿丐此人對曰陛下輕臣而重樂工
請解官再拜出帝遽謝與胡雛隱甫殺之有詔貫死
不及矣賜隱甫百緡尋擢并州司馬

李傑唐書本傳相州滏陽人元宗時為河南尹傑精

聽斷雖行坐食飲省治不少廢由是府無淹事吏民
愛之有寡婦愬其子不孝者物色非是謂婦曰子法
當死無悔乎答曰子無狀寧其悔傑乃命市棺還斂
之使人遮婦出與一道士語按得其姦乃殺道士而
釋其子人以為快河汴舊有梁公埭久不治南方漕
不通傑發丁夫修之不費而利入為御史大夫
李適之 唐書本傳恆山慈王之孫開元中累遷河南
尹其政不苛細為下所便元宗患穀洛歲暴耗徭力
詔適之以禁錢作三大防曰上陽積翠月陂自是永
不能為患刻石著功詔永王璘書皇太子瑛著額進
御史大夫

陸璟 唐書陸元方傳字仲采餘慶子舉明經開元初
為灑池令復除洛陽令時車駕在洛推勒奸豪人不
敢犯

李揆 唐書本傳字端卿隴西人開元進士為河南尹
時蕭炅倚權植私揆裁其繆

齊映 唐書本傳高陽人舉進士博學鴻詞補河南府
參軍馬燧辟為三城鎮過使判官諳練軍事百姓不
擾

韋陟 唐書韋安石傳字元甫萬年人開元中為洛陽
令宋璟見之歎曰盛德遺範盡在是矣

裴寬 唐書裴漼傳絳州聞喜人開元中為河南尹不

屈附權貴未幾河南大治

李尚隱 唐書本傳萬年人元宗時累遷河南尹尚隱性剛亮論議皆披心示誠處事分明御下不苛密尤詳故實前後制令誦記畧無遺妖賊劉定高夜犯通洛門尚隱坐不素覺左遷桂州都督帝遣使勞之曰知卿忠公然國法須爾因賜雜彩百匹遣之

李朝隱 唐書本傳字光國三元人開元中擢河南尹政嚴清姦人不容息太子舅趙常奴怙勢橫閭里朝隱曰此不繩不可為政執而榜辱之帝賜慰勉入為大理卿

張拯 唐書張九齡傳曲江人九齡子天寶末為伊闕

令祿山陷河洛遣人以官誘降拯拒使者曰吾文獻
後也死則死去則去但不受偽官耳賊平擢太子贊
善大夫

宋璟 唐書本傳南和人初為洛州長史正直不私權
貴憚服後為東都留守洛人愛之如慈父開元宰相
蔣欽緒 唐書本傳膠水人擢第後累至御史中丞錄
河南囚宣慰百姓振窮乏尋遷吏部侍郎

蔣洸 唐書蔣欽緒傳欽緒子以孝廉授洛陽尉遷監
察御史與弟清俱為才吏有名天寶間始河南尹韓
朝宗裴迥嘗委訊覆檢勾而處事平剖斷精允羣僚
莫能望也乾元中遷陸渾令美政流行長老紀焉

李愷 唐書本傳文水人舉明經累遷河南少尹時尹
蕭炅倚權骫法殖私愷裁抑其謬吏下賴之後為東
京留守與中丞盧奕繕城壘綏勵士卒將遏賊祿山
渡河收殘士數百堅守城陷執愷奕及官屬蔣清害
之詔贈司徒謚忠懿

李果 太平廣記為洛陽令嚴毅清簡有劉兼者過其
境夜聞戶外語曰李公賢令也見其行事令人破膽
啟戶視無所見蓋鬼神也遂書一讚於壁云校吏畏
威縣妖破膽好錄政聲聞於御覽後明皇旌其能賜
金及章服

張延賞 唐書張嘉貞傳猗氏人大曆初為河南諸道

營田副使河洛當兵衝邑里墟榛延賞政尚簡約輕徭役疏河渠築宮廟數年流通歸附都關完雄有詔褒美既而留守東都治行第一子安靖以詹為河南參軍徙宣武節度政令寬簡民咸安之

裴諝 唐書裴淮傳字士明寬之子代宗時為河南府參軍遷河南尹東都副留守以寬厚和易為治不鞠人以贓諝凡五世為河南尹人皆榮之

李鄴 冊府元龜江都人進士元和初以京師多剽竊復遷為河南尹催奸肅物威望甚著

王質 唐書本傳太原祁人為河南尹為政必先究風俗所至有惠愛

呂元膺 唐書本傳字景夫鄆州東平人德宗時為東

都留守都有李師道留邸邸兵與山棚謀竊發事覺

元膺擒破之始盜發都人震恐守兵弱不足恃元膺

坐城門指縱部分意氣閒舒人賴以安

崔從 唐書崔融傳博陵安平人貞元初為河南尹政

尚簡易蠲畧細苛又引伊水灌田人甚宜之

鄭珣瑜 唐書本傳字元伯滎澤人德宗時為河南尹

清靜惠下賤歛貴發以便民時韓全義伐蔡河南主

餽運珣瑜密儲之陽翟以給官軍百姓不知僦運之

勞凡迎送敕使皆有常處吏密識其馬進退不數步

差也珣瑜性嚴重少言未嘗以私託人而人亦不敢

謁以私焉

白鏗 香山文集字士鍾太原人居易祖明經及第授
鹿邑縣尉晉洛陽主簿遷鞏縣令在任三考自鹿邑
至鞏縣皆以清貞靜理聞於一時

韓愈 唐書本傳字退之南陽人擢進士元和初權知
國子博士分司東都三歲即拜河南令

杜兼 唐書本傳字處宏相州洹水人元和初擢河南
尹善政及民民甚懷之

皇甫湜 唐書韓愈傳字持正睦州新安人初授陸渾
尉元和中裴度為東都留守辟為判官多所匡輔
嚴郢 唐書本傳為協律郎守東都太廟祿山亂取神

主祕藏於家至德初定洛陽賴以奉還

李紳 唐書本傳字公垂亳州譙人元和間累遷河南尹河南多惡少或危帽散衣擊大裘尸官道車馬不敢前紳治尚剛嚴皆望風遁去

李素 韓愈李少尹墓誌以明經選主簿累遷河南少尹行大尹事呂氏子吳棄其妻著道士衣冠謝母曰當學仙王屋山去數月復出間詣公公立之府門外使吏卒脫道士冠給冠帶送付其母黜屬令二人以贓減民賦錢歲五千萬請緩民輸期一月詔天下輸皆緩一月公一斷治不收聲事常出名上

張署 韓愈張君墓誌河間人以進士舉博學鴻詞出

為縣令遷員外郎守法爭議棘棘不阿改河南令以病辭免

李絳 唐書本傳字深之趙郡贊皇人穆宗時拜東都留守當洛中頽靡之久嚴於蒞政召為太常卿

張知謩 唐書本傳字匪躬幽州方城人為東都副留守知謩為人敏且亮悉請托求進不才冒位者視之若讐

李德裕 唐書本傳字文饒贊皇人文宗時以太子賓客分司東都政尚寬和得士庶之心

馮宿 唐書本傳字拱之婺州東陽人長慶間拜河南尹洛苑使姚文壽縱部曲奪民田匿於軍吏不敢捕

府大集部曲輒與文壽偕來宿掩取榻殺之

丁公著 唐書本傳字平子蘇州吳人穆宗時為河南

尹治以清靜聞遷翰林學士

崔碣 唐書崔元暉傳博陵人武宗時為河南尹邑有

大賈王可久轉貨不歸妻詣卜者咨存亡卜者給以

不還誘聘為妻可久歸妻詣吏自言碣得其情即掩

卜者殺之時淫潦獄決而霽

柳仲郢 唐書柳公綽傳字諭蒙京兆華原人宣宗時

累官河南尹以寬惠為政或言不類京兆時答曰鞏

毅之下先殫壓郡邑之治本惠養烏可類乎擢劍南

東川節度使

盧鈞 唐書本傳字子和藍田人宣宗時為東都留守
遨遊林野冥心榮進卧護留鑰門庭肅然尋代劉鈞
為宣武節度使

齊抗 權德輿齊成公神道碑字遐舉義豐人擢為河
南尹盜有宋瞿曇者白晝椎剽三川病之幾三十年
公法令嚴捕盜賊使無遺類指顧之間擒捕如神
盧萬石 冊府元龜令洛陽以善化民去任民思之立
德政碑於道德坊

嚴維 會稽耆舊傳字正文山陰人至德中進士為校
書郎歷河南尉為政平恕遇事不繁而理尤善詩多
傳頌之

李叔明 冊府元龜新政人乾元中使回紇東都平拜
洛陽令招徠遺民號能吏

韋貫之 唐書本傳京兆人進士貞元中補伊闕慰沉
靜寡言與人交不為偽辭平生未嘗過饋遺故家無
錢財累官中書門下平章事

劉允章 唐書劉伯芻傳字蘊中懿宗咸通時為東都
留守黃巢至乃寄治河清縣多惠政

薛謙 天中記河東人寶孕子為河南令政績著聞
馬允中 縣志任洛陽尉有善政後遷朝散大夫邑民
思之立碑頌德

令狐緒 唐書令狐楚傳楚長子為河南少尹郡人請

立碑頌德以弟絢方居輔弼乞賜寢停從之
黃伯思舊志字長睿登乾符進士為河南戶曹治劇
不勞而辨秩滿留守鄧詢武辟治右軍巡院
張全義唐書本傳字國維濮州臨濮人為河南尹時
遭黃巢叛儒兵火之後城邑殘破戶不滿百全義披
荆棘勸耕殖躬載酒食勞民畝畝之間築南北二城
以居之數年人物完盛民甚賴之及朱全忠劫昭宗
東遷繕理宮闕府解倉庫皆全義力
何澤五代史本傳廣州人後唐莊宗時為洛陽令帝
好畋獵數踐民田澤乃潛身伏草間伺帝過當馬諫
曰今田將熟奈何恣畋游以害禾稼使民何以出租

賦吏何以督民耕陛下不聽臣言願賜臣死于馬前
使後世知陛下之過帝大笑為止獵拜倉部郎中
羅貫 五代史郭崇韜傳性強直莊宗時為洛陽令蒞
政不避權豪伶官請託一切不報由是切齒共毀之
莊宗含怒未發會往視坤陵道漳橋壞怒下貫獄明
日傳詔殺之郭崇韜諫奏不已唐主起入宮自闔殿
門崇韜不得入貫竟死遠近寃之
安彥威 五代史本傳字國俊代州人高祖時留守西
京遭歲大飢賑撫飢民犯法者皆寬貸飢民愛之不
忍流去

楊昭儉 通志字仲寶長安人天福末為河南少尹時

河決數郡大發丁夫昭儉董其役既而塞之晉少主
喜命立碑紀其事昭儉表諫曰陛下刻石紀功不若
下哀痛之詔少主嗟賞之卒罷其事

邊珣 宋史本傳字待價華州鄭人建隆二年珣兄玠
為河南令入為吏部員外郎復以珣為洛陽令時人
榮之太平興國七年知開封府明年夏卒珣有吏材
數決疑獄帝方欲倚用聞其卒歎息數四

樂黃目 宋史本傳字公禮宜黃人舉進士補伊闕尉
遷知浚儀縣累官陝西轉運使黃目性簡默為吏處
劇亦無敗事

向敏中 宋史本傳字常之開封人真宗時知河南府

兼西京留守盡心民事時有僧過村家寢戶外夜見盜入挾一婦出僧慮禍及亡去忽墮簪并別婦已殺在井中矣執僧詣縣掠治獄成中疑之因密訪果得賊并賊人以為神

狄棐 宋史本傳字輔之長沙人真宗末知河南府為政愷悌不為表襮死之日家無餘貲

寇準 宋史本傳字平仲下邳人真宗時以宰相出守陝州尋判河南府留心民事不以大臣自驕貶雷州司戶參軍遣人至洛中取通天犀帶蓋太宗所賜也取至具朝服北面再拜而卒歸葬西京

王舉正 宋史王化基傳字伯仲真定人幼嗜學厚重

寡言以父廕補祕書省校書郎進士及第知伊闕縣
累官右諫議大夫參知政事為文章雅厚如其為人
王曾 宋史本傳字孝先益都人仁宗明道中以使相
判河南府會歲歉里有困積者飢民聚黨脅取鄰郡
以盜論曾笞而免之遠近以為法累官平章事卒諡
文正

錢惟演 宋史本傳字希聖吳越王俶子天聖初惟演
朝京言先壠在洛陽願守宮鑰改判河南
聞見錄明道中文僖自樞密留守西都謝希深為通
判歐陽永叔為推官尹洙為掌書記梅聖俞為主簿
皆天下士錢相因府第起雙桂樓西城建臨園驛命

永叔師魯作記一日希深同永叔遊嵩山歸暮抵龍
門香山雪作留守文僖遣吏以厨傳歌妓至且勞之
曰山行良勞少留龍門賞雪府事簡無遽歸也其遇
諸公之厚類此

梅堯臣宋史文翰傳字聖俞宣城人以父蔭主河南
縣簿留守錢惟演特嗟賞之為忘年交引與酬倡一
府盡傾歐陽修與結詩友自謂弗及

歐陽修宋史本傳字永叔廬陵人調西京推官從尹
洙為古文議論當世事迭相師友與梅堯臣歌詩倡
和名冠天下

司馬光宋史本傳字君實夏縣人以端明殿學士判

西京御史臺田夫野老號為司馬相公婦人孺子使知其為君實也

文彥博 宋史本傳字寬夫介休人仁宗朝以河陽三城節度使判河南元豐三年復以太尉判河南神宗導洛入汴而主者遏絕洛水不使入城洛人患之彥博因中使劉惟簡以聞詔令通行如初遂為無窮之利

范純仁 宋史本傳字堯夫蘇州吳縣人文正公第二子提舉西京留臺多善政

范鎮 宋史本傳字景仁華陽人為新安主簿西京留守宋綬以鎮富文學召置西京國子監使教諸生

宋庠 宋史本傳字公序開封雍邱人皇祐元年罷觀
文殿大學士知河南有僕告舉子行橐漏稅庠曰舉
子裝誰無貨物豈可深罪若僕告主此風不可長因
治僕罪

范雍 宋史本傳字伯純太原人咸平三年補洛陽主
簿實典廩約時邑多權要雍必先給細民後及權勢
張詠過洛聞之書其名於屏後鎮淮陽致書薦於寇
準

李迪 宋史本傳字復古幽州人仁宗時以宰相出判
河南府究心政事晝夜不稍懈

王豫 宋史王沿傳大名館陶人與兄鼎皆有才氣豫

為人不事羈檢以大理事丞知伊闕縣有異政
孫覽 宋史孫覺傳字傅師高郵人擢第為河南主簿
守職之暇殫精講學後知河南府慈厚待民遇事立
決無滯

豐稷 宋史本傳字相之明州鄞縣人嘉祐四年進士
後以待制知河南府兼西京留守京洛皆貴簡畧公
獨盡心文潞公言吾聞洛守多矣惟豐公能留心民
瘼伊川先生坐徙湖南吏卒防錮公獨寬免移知鄆
州京東西路安撫使復知西京往返餽贍一無所受
單煦 宋史本傳字孟陽平原人仁宗時知洛陽縣民
以妖幻轉相教授煦迹捕戮三十餘人當得上賞煦

不肯言

張奎 李通志字仲野全義七世孫知河南府宮闕歲
久傾圮奎大加興葺又按唐街陌分橋諸坊有能名
初全義尹河南洛人德之後封齊王及見奎偉儀觀
日真齊王孫也

范純禮 宋史范仲淹傳字彛叟仲淹子英宗時僉書
河南府判官兼知永安縣事昭陵建京西轉運使配
木石磚甃及工徒於一路獨永安不受令使者以白
陵使韓琦琦曰范純禮豈不知此將必有說他日衆
問之純禮曰陵寢皆在邑境歲時繕治無虛日今乃
與百縣均賦曷皆置此使之奉常時用乎琦是其對

還朝用為三司鹽鐵判官

韓贄 宋史本傳字獻臣齊州長山人神宗時知河南府建永厚陵費省而不擾帝稱之還知審刑院

李中師 宋史本傳字君錫開封人神宗時知河南府

前此大臣居守委事椽幕吏習弛緩中師以嚴整齊之號為治辦

韓絳 宋史本傳字子華真定人元豐間出知河南夏大雨伊洛民溺發廩賑恤環城築堤數月水復至民賴以免

韓頴 宋史韓絳傳字玉汝雍邱人哲宗時知河南府視民如子不以苛法

阮駿 宋史本傳興化人紹聖初為河南少尹金人犯
京師駿帥兵擁護神御殿戰敗為金人所獲罵不絕
口卒遇害特贈朝議大夫

范致虛 宋史本傳字謙叔建州建陽人徽宗時知河
南府中人規景華苑欲奪故相富弼園宅致虛言弼
和戎有大功使朝廷享百年之安乃不保數畝之居
耶弼園宅得不取

張商英 宋史本傳字天覺蜀州新津縣人徽宗時知
河南府秉政廉平改鑄錢以平泉貨

孫昭遠 宋史忠義傳字顯叔眉州人登進士建炎元
年以西道副總管遷河南尹西京留守兼都總管時

洛陽陷昭遠收集散亡得兵萬餘棚伊陽使民久保
其冬金人復來攻遣將姚慶拒戰而死乃命將官王
仔奉啟運諸殿神王間道走行在金兵益熾戰不利
其下欲擁南還昭遠罵日若等平日衣食縣官不以
此時報國南去何為叛兵怒反擊昭遠遂遇害官屬
無免者追贈徽猷閣待制

完顏伯嘉 金史本傳猛安人明昌初知河南府時甫
經戰後兵乏食伯嘉令輸棗粟菜根足之皆以為便
盧詢 宜陽志字仁甫高平人李承旨致美見所作上
梁文使就舉六十一歲登呂造橋進士歷河南府教
授遷宜陽

劉汝翼

舊志字舜卿貞祐中為洛陽令有政績

張特立

金史本傳字文舉東明人正大初為洛陽令

時軍旅數起郡縣窘迫東帥紇石烈牙兀解又侮慢
儒士會移鎮陝右道經洛陽見特立淳古不禮之遽
責令治糗具期三日足後期如軍法縣民素賢令爭
輸於庭帥大奇之

陳祐

元史本傳寧晉人為河南府總管下車之日首

禮金季名士李國維楊果李微薛元咨訪治道商畧
古今

史天澤

元史本傳字潤甫永清人世祖在藩邸知河

南多不治奏為經畧使至則誅郡邑長貳貪橫數人

境大治

李純 元史本傳字明德開封人天歷初為洛陽令時
寇方熾府官命其屬曰誰能諭西土俾臣服者衆皆
股慄純獨毅然曰為臣死忠義也食馬而避難可乎
即單騎捧詔西行與賊會新安賊帥揮戈而前命徒
斬之純語未畢而斃

徐麟 通志字天麟廣濟人洪武初為河南府同知博
學果斷下車之初百廢俱舉時故元降臣宋玉與其
散卒在河南者謀以夜漏半集衆叛之麟察知密誡
掌漏者故延滯期寇疑不敢發黎明遣鎮撫胡傳率
邏卒往捕盡獲之上聞嘉悅特賜金幣褒勞

茆志道 通志和州人洪武初知洛陽縣莅政明恕寬
猛得宜禁奸懲暴吏民畏服以秩滿去人皆泣送不
忍釋

周榮 通志字國華蓬萊人洪武中知河南府遇事果
斷洛陽民婦張氏失締線不知盜名訴於府榮密謂
之曰汝但歸焚香罵府官不捕盜有嗔怒者即以聞
張如其言不二日果有嗔者一問即伏府中稱為神
明

魏忠 通志滁州人洪武中知洛陽縣月俸取足而已
餘則收之於官時以廉吏稱之

姚宏 通志字維大桐廬人永樂中知洛陽縣會西夷

入貢督運者索役甚急丞簿悉走避宏白當路以其
役半分於戎司民用不擾又邑舊有廣津等四渠歲
久決潰而徵福者如故宏奏易以粟報可邑人為之
謠曰伊水伊水潰我渠口壞我田畝杭稻曷取匪我
姚公害貽爾後

王誌通志咸寧人永樂中知河南府死於王事勅撰
旌忠碑立文廟右孫琦宏治中知項城值流賊臨城
亦死之

王晏府志盱眙人任洛陽典史持已廉慎佐政有方
歷陞陝西參政

戴希賢通志高密人永樂中知河南府禮賢士抑豪

強盜賊屏息道不拾遺滿去吏民泣送者塞路
袁錠通志字大用真寧人永樂末知河南府廉以律
已誠以待下作勸善橋以諭弗帥者作勸農歌以示
失業者任滿民立去思碑

李驥明史循吏傳字公良郟城人洪熙中知河南府
公平廉潔時境內多盜驥設火甲一戶被盜一甲償
之犯者大署其門曰盜賊之家又為勸教文振木鐸
以誦之自是道不拾遺立集於城而以便交易俄病
卒郡人立廟祀之

李均舊志寶坻貢士知縣事愛民若子興學勸農賞
罰明信秩滿去官民甚思之

孫宏 舊志渭南人 正統中知縣 政尚嚴明 善理繁劇 能聲大著 累官 吏部侍郎

彭烈 孝通志廬陵人 景泰中知河南府 清介自律 人不敢干以私 比代去 惟三四敝篋而已 官至廣東左布政使

楊智 舊志監利貢士 知洛陽縣 民懷其德 擢山西朔州知州

虞廷璽 府志南鄭人 進士 景泰五年知河南府 寬雅有文 留心教化 民戴之如父母 金潤 通志錢塘人 天順中為伊府長史 以道匡輔 忠誠懇至 王雖燕見 必加敬焉

楊銓 舊志薊州人成化五年授洛陽縣寬厚和平人
稱長者在職六年以憂去

張智 府志字守愚鉅鹿進士成化二十一年任洛陽
知縣時值荒歉勞心賑濟全活甚衆擢御史

姜昂 明史本傳字恒類太倉人進士為河南知府吏
白事畢退闔門讀書鞭笞懸不用藩府人有犯立法
遣之季通志成化末知河南府時方旱昂到郡雨隨
車而至洛人異之屬邑令有貪墨者一月罷去三四
郡中翕然藩府兵校有犯者立為決遣王有言則遜
謝之視事退即閉閣讀書鞭笞懸而不用以母懷土
屬疾遂棄官歸所司從上道乃上疏乞近郡便養疏

至三則請貶削俟他日效官邊圉以報遂改守寧波
累遷福建左參政

何鑑 明史本傳字世光浙江新昌人進士宏治初為
河南知府賑累歲飢條行荒政十事累官至太子太
保

李隆 舊志字世昌榆社進士宏治二年知縣明敏振
作吏畏民懷以憂去

楊滋 舊志字天澤定興進士宏治五年知縣政教兼
舉其所修復舊渠民受其利擢監察御史
平世用 舊志字德克內江進士知洛陽縣老成持重
存心愛民擢監察御史

陳宣 府志永壽進士宏治中知河南府留心學校加
意民瘼勅建伊洛淵源祠及觀德亭修復諸渠皆一
時惠政

何天衢 府志道州進士任河南知府廉惠有聲祠名
宦

于範 府志鄆城進士知河南府興利除弊民甚德之
祀名宦

尹綸 府志字大經深州進士正德二年任河南推官
廉直有聲祀名宦

劉定 舊志字世定滑縣人正德三年知洛陽平易近
民不事繁苛

黎顯 舊志字氏瞻任邠人正德八年任洛陽知縣警
敏幹濟政事修舉陞通判

鞏思憲 舊志字廷章東平人進士正德十一年令洛
陽催科不擾明於聽訟陞主事

范總 明史本傳字平甫瀋陽進士授主事累遷河南
知府歲大飢巡撫都御史潘墳駁諸請賑文牒候勘
實乃發總不待報輒開倉賑之全活十餘萬民爭謳
頌總語聞禁中帝為責八部及墳與巡按御史匿災
狀墳歸罪總以自解被劾罷去總名由此顯遷兩淮
鹽運使累擢右副都御史巡撫寧夏

諸純臣 府志華亭舉人任司李操守清介一時無出

其右以病去

張守業 山東通志字啟哲滕縣進士嘉靖間知河南府召其用事瓜牙以法諭之徐取所侵奪官民地各歸其主洛民以安遷鹽運使

張柱 山東通志壽光進志授行人陞河南知府時伊藩煽虐掠子女奪民田劫商納逋郡內洶洶柱上疏劾之王以罪削祿柱亦左降後官憲副

伍文定 明史本傳字時泰松滋進士有膂力便弓馬授推定以軍功累擢河南知府計禽劇賊張勇李文簡以才任治劇調吉安累擢右都御史官尚書

魏濟 府志嘉靖間任河南推官以廉直稱祀名宦

顧堅 舊志吳縣進士嘉靖間授洛令政務寬平先是
本縣徵糧登門責解堅曰非制也令每里設櫃徵收
民德之

王宇 舊志安邑進士嘉靖間令洛明敏惠愛周知民
隱秩滿僅餘俸數十金後以襄陽守過洛百姓歡迎
如市

楊大可 舊志沁州進士嘉靖間知洛陽才具敏給徵
稅有條百姓安之修整學校尊禮師儒尤為士林所
頌

林騰蛟 府志字士才閩縣進士嘉靖末分巡河汝時
伊藩軍校橫恣有司莫能制騰蛟悉置於法事有不

便於民者悉革除之境内遂安

沈文華 府志安陸進士任河南知府以文章飾吏治

一時民化之祀名宦

來同 舊志三原人萬歷庚子年任洛陽丞奉公執法

一塵不染以戇去官士民惜之

于翰 舊志井陘進士萬歷中知洛陽縣初政嚴明吏

畏如神後以庫銀被誣去士民惜之

李載陽 通志蘄黃進士萬歷中知洛陽縣才長識裕

應機游刃有餘定丈量地邑行一條鞭法至今賴之

擢御史

錢夢臯 通志字紹謨富順進士萬歷年授洛令潔已

愛民經月不肉食嘗銷所束銀帶以給公務其清苦
類此九重學校獎士類擢給事中去之日士民遮道
泣送百里不絕

張經世通志渭南人萬歷中知河南府執法不阿斷
疑獄一郡稱為神明福藩之國規畫基址力與內監
爭之民賴其庇擢兵備道累官戶部尚書

陳大道通志光化進士萬歷年河南知府有中責縱
役傷人大道懸令示賞必得其人以正法剛方為一
時冠

王洪顥通志字光乾三原進士萬歷年知洛陽明作
有為時有修河之役摩畫得宜民安事集又俗多輕

生以命案証人至叢櫬洛南洪顥至無不白者弊俗
為之一變

蕭一傑 府志河南府同知政績失傳祀名官

張學周 舊志字適西內江進士授偃師令調洛陽性

廉潔以鎮定持大綱不施嚴刑而吏畏如神立投櫃

法秤克公平民利便之行取授御史

楊所蘊 舊志安陸進士萬歷年知縣長厚安詳民享

和平之福歷官知府

胡克開 舊志隆昌進士萬歷年知洛陽存心豈弟翼

民如子歷官僉事

張中鴻 通志滕縣進士萬歷年任河南府沈毅善斷

值荒歉撫循多方別屬吏賢貪一一不與尋陞遼東副使

李時方 府志武功進士任河南知府清節自守且勤於政事案無留牘吏胥無由致弊以陞去士民情之祀名宦

葉時新 府志休寧進士知河南府鞠獄理寃時稱練達學校亦多振興祀名宦

秦忠 府志萬歷間知河南府祀名宦籍貫事蹟失考
王瓚 府志榆次舉人任河南同知有幹濟才時值湖水泛漲橋梁多圯瓚不恤勞瘁躬親督建士民便之祀名宦

鍾鼎臣 府志廣東進士任河南推官才具敏達風節凜然凡所建白無不由當民心祀名宦

魏浦 府志平湖貢生任河南府通判為人通達明於吏治且周知民隱多所勸濟及去郡人思之祀名宦
張第元 舊志字文岳汾州進士天啟年令洛陽精明渾厚寬猛得宜行取授給事中

衛景瑗 舊志字仲玉韓城進士天啟間授河南推官以風節著累遷至大同巡撫姜瓖反殉節贈尚書諡忠毅

任光裕 舊志霍州恩貢天啟間任洛陽丞潔已撫民無纖毫染指陞香河知縣死於兵

湯開遠 府志字伯開臨川舉人顯祖子任河南推官
愛民如子言事被逮郡人若失慈母

鄭崇儉 舊志字大章鄉寧進士崇正間授河南推官
明允平恕為時推重累擢督軍勦戎有功

王蔭長 明史忠義傳吳橋舉人崇正間知河南府流

寇臨城蔭長不屈死舊志崇正間知河南府尋陞守
道時福藩檣校交橫蔭長執法如山河屬倚賴卒已

闖寇困洛蔭長晝夜守禦會兵叛城陷遂墜城死

亢益檜 明史忠義傳臨汾舉人崇正間知河南府流
賊陷河南益檜不屈死

白尚文 豫變紀畧崇正間任河南通判流賊陷洛陽

陞城死

失名 舊志典史城破陞城死

于時躍 通志字龍舟瀋陽人順治初知河南府清操

無玷應變如神境內大治歷官廣西巡撫

朱明魁 通志義州貢生任河南知府為政明肅修葺

學宮崇儒重士嚴禁私派吏民畏服祀名宦

蔣應泰 通志大興人任河南知府為政寬簡聽斷公

允潔已率屬弊絕風清康熙二十一年祀名宦

汪楫 通志江都人以博學宏詞入翰林改授知府為

政清平崇獎士類持大體絕干謁豪右憚之善良懷

之歲飢賑濟活飢民數萬人尋陞福建臬司康熙二

十九年名宦

趙于京 通志 歷城舉人由教官歷任河南知府設立
義學造士于嚴明果斷胥吏豪強莫不畏威祀名宦
黃綬 續通志 安邱進士任河南府推官尚氣節潛心
理學建葺程邵朱子諸祠獎引後進多所成就
王來慶 續通志 河間人知河南府有政聲建復周公
廟置祭田厥功鉅祀名宦
井洛如 續通志 東平州進士知洛陽縣與郡守王來
慶共建周公廟鳩工庀材匡贊之力居多祀名宦
曾汝為 續通志 合江舉人知洛陽縣數斷大獄不為
煩擾後以積歲荒歉戲糧罷官洛民為設義槨爭先

翰之

張漢 續通志字月槎石平進士由翰林出知河南府
廉靜不苛接引後學如不及以里誤去官乾隆二年
薦試博學鴻詞授檢討擢御史在任時曾續修府志
尤殷殷以闡揚為任

武攀龍 舊志交城進士順治四年任知縣兵火初靖
一意寧人修舉廢墜尤多善蹟洛志亦惟攀龍始事
金本重 舊志滿州貢生順治五年任知府府城前經
閩寇傾夷本重畢力修築
甯之鳳 舊志寧洋進士順治十一年知府時小醜不
靖之鳳剪其渠魁民賴以安

李集鳳 舊志字翺升山海衛貢生任洛陽丞貫道經
史講道持躬一以程朱為法著有春秋辨疑行世其
泣民亦以猷守並著云

李學禮 舊志遼陽人廩生康熙十六年知河南府值
歲歉賑飢上官某入境查荒索賄不應廷辱之學禮
忿甚自縊死飢民數千巷哭振天某駭遁旋以他事
散法棄市

孫居浚 舊志大興廩生康熙三十二年任河南知府
政嚴肅直聲丕著擢江西按察使

錢肇修 舊志仁和進士康熙丙子令洛陽在任六年
多惠政巡撫以廉白治行薦於朝陞御史

馬駟 舊志西安貢生康熙五十四年任通判時政務
嚴肅獨駟以寬和著三署縣篆人多設位祀之
王宇 府志漂陽舉人授洛陽令在任四年潔已愛民
專尚實行凡採買麥豆供給軍需絲毫
不以累民尤
誠心造士去之日童叟攀轅泣送者不絕

龔崧林 採訪冊武進人賢良方正泣洛陽任未三月
即革去衛戶輸養軍犯之弊建書院十餘所並立各
鄉社學延師督課時恩普堂義產租息不敷查出廟
中官地無任持者撥入堂中以義貧民帝王陵地多
被佔悉清丈歸入學田又續修縣志

張琨 採訪冊字楷玉涇縣人舉人知河南時增書院

膏火勤考課諸生多所成就有貧乏不能赴試者助之郡人為建生祠

呂際虞探訪冊太谷人進士河南知府自奉儉約署內不延一客一切稿案俱出已手凡獄辭累年不法者立為剖斷無不允服

龔廉探訪冊陽湖人進士河南知府性剛直率屬以嚴猾吏蠹役聞風逃避未二年罷去郡人惜之

張松孫探訪冊字鶴坪長洲人監生知河南時書院生徒日益進因別建小滄浪移置講席又創置文廟樂器及續修府志志甫成罷去

曾琢華覆校李錫爵校對

洛陽縣志卷五十五

洛陽縣知事曾炳章重印

清

舉

人陸繼輅

同纂

洛陽縣知縣魏

襄

廌公傳

韓安國

漢書本傳梁城安人後遊洛陽常授韓子雜

家說於騶申生

司馬談

漢書司馬遷傳長安人先世為周太史武帝

始建漢家之封談留滯周南不得從事子遷遠遊見

父於河洛之間執手而語言史事之未竟遷伏首流

涕受遺命爰次舊所聞作史記承談志也

丁寬

漢書儒林傳字子襄梁人受易田何復至雒陽

從周王孫受古義號周氏傳

班超 漢書本傳字仲升扶風平陵人弟固任洛陽校

書郎超隨母至任家貧常為官傭書以供養久勞苦
超投筆歎曰大丈夫無他志畧尤當效傅介子張騫
立功異域以取封侯安能以事筆硯乎永平間用薦
奉使西域累建殊勲封定遠侯永元十四年上疏乞
歸詔許之還洛踰月而卒

劉昆 後漢書本傳字桓公陳留人王莽時避難河南

負犢山中光武時為江陵令反風滅火遷宏農太守
虎北渡河徵為光祿勳後拜散騎都尉老乞骸骨歸
賜洛陽第以千石祿終其身

王充 後漢書本傳字仲任會稽人授業太學家貧無
書嘗遊洛陽市閱鬻書一覽輒能誦通百家之言
賈逵 後漢書本傳字景伯平陵人誼九世孫自為兒
童在太學不通人間事身長八尺二寸諸儒為之語
日問事不休賈長頭性愷悌多智思倣儻有大節九
明左氏傳國語為之解詁五十一篇永平中上疏獻
之顯宗重其書寫藏祕館
郭泰 後漢書本傳字林宗介休人早孤母欲使給事
縣廷泰曰大丈夫焉能處斗筲之役乎遂辭就成里
屈伯彥學學成遊洛陽李膺一見大奇之遂相友善
於是名振京師即歸衣冠諸儒送至河上車數千輛

泰與李膺同舟而濟衆賓望之為神仙焉

郭亮 後漢書李固傳字恒直汝南人固弟子年始成

童遊學洛陽乃左提章鉞右秉鈇鑕詣闕上書乞收

李固屍不許因往臨哭陳詞於前守喪不去

孔奇 後漢書孔奮傳扶風茂陵人奮之弟游學洛陽

遂博通經典作春秋左氏刪

任末 後漢書本傳字叔本蜀郡繁人少習齊詩遊京

師教授十餘年友人董奉德於洛陽病亡躬推鹿車

載喪致其墓所由是知名

李恂 後漢書本傳字叔英安定臨涇人肅宗時拜兗

州刺史以清約率下遷張掖太守有威重名又遷武

威太守後坐事免步歸鄉里因詣洛陽嘗從居新安關下拾橡實以自資年九十六卒

陸機 晉書本傳字士衡吳郡人少有異才文章冠世太康未與弟雲入洛造太常張華華素重其名如舊相識曰伐吳之役利獲二俊以預誅賈謚功賜爵關中侯時晉室將傾顧榮戴淵等咸勸機還吳機負其才望志匡世難不從卒及於難臨刑歎曰華亭鶴唳豈可復聞時年四十三弟雲及二子俱被害

陸雲

顧榮 晉書本傳字彥先吳郡人與陸機兄弟同入洛稱江東三俊居數年從元帝渡江仕至散騎常侍

索靖 晉書本傳字幼安敦煌人見晉政不綱指洛陽
宮門銅駝歎曰會見汝在荆棘中耳已而果然

劉宏 晉書本傳字和季沛國相人有幹畧政事才少

家洛陽與武帝同居永安里又同年共研席以舊恩
起家為太子門大夫累遷寧朔將軍假節監幽州諸
軍事以勲德兼茂封宣城公太安中轉鎮南將軍都
督荊州諸軍事永興初卒於位贈新城公諡曰元
潘岳 晉書本傳字安仁滎陽中牟人父芘琅琊內史
岳少以才見稱鄉邑號為奇童早辟司空太尉府舉
秀才泰始中武帝躬耕藉田岳作賦以美其事岳才
名冠世為眾所疾遂栖遲十年出為河陽令勤於政

續調補尚書度支郎遷廷尉評以公事免退而閑居於洛之涑作閑居賦

潘尼 晉書潘岳傳字正叔岳從子祖勗漢東海相父滿平原內史並以學行稱尼少有清才與岳俱以文章見知性靜退不競唯以勤學著述為事著安身論以明所守初應州辟後以父老辭位致養太康中舉秀才為太常博士歷高陸令元康初拜太子舍人出為宛令在任寬而不縱恤隱勤政厲公平而遺人事入補尚書郎俄轉著作郎歷官至中書令遷太常卿○案潘岳潘尼洛陽羣志俱列人物今據史定為流屬

葛洪 晉書本傳字稚川丹陽句容人以儒學知名太
安中石冰作亂吳興太守顧祕檄洪為將兵都尉冰
平洪不論功賞徑至洛陽欲搜求異書以廣其學著
西京雜記二卷建武故事三卷永平故事三卷
左思 晉書本傳字太冲齊國臨淄人家世儒學思貌
寢口訥而辭藻壯麗以妹芬入宮移家京師欲作三
都賦構思十年門庭藩溷皆著紙筆得句即疏之自
以所見不博求為祕書郎及賦成造皇甫謐示之謐
稱善為之序張華見而嘆曰班張之流也於是豪貴
之家競相傳寫洛陽為之紙貴

趙至 晉書本傳字景真代郡人廩居洛陽值緱氏令

到官至年十三與母同觀母曰汝先世非微賤世亂
流離遂為士伍爾後能如此否至感母言詣師受業
聞父耕叱牛聲投書而泣師怪問之至曰我小未能
榮養使老父不免勤苦師甚異之年十四詣洛陽太
學遇稽康寫石經徘徊視之不能去後游鄴入吳向
遼西辟幽州從事太康中以良吏赴洛而母已亡矣
號憤嘔血而卒時年三十七

陳壽 晉書本傳字承祚巴西安漢人張華愛其才除
著作郎領本郡中正撰魏吳蜀三國志凡六十五篇
時人稱其有良史才遷廣長太守辭母老不就職母
遺言令葬洛陽壽遵其志起為太子中庶子永拜元

康七年病卒尚書郎范頤奏其遺書詔下河南尹洛陽令就家寫焉

王長文 晉書本傳字德叡廣漢郪人少以才學知名州府辟命皆不就著書四卷擬易名曰通元經梁王彤為丞相引為從事中郎在洛出行輒著白旃小鄣以載車當時異焉從終於洛

張翰 晉書文苑傳字季鷹吳人有清才善屬文而縱任不拘號為江東步兵會稽賀循赴命入洛經吳閭門於船中彈琴翰初不相識與言談大相欽悅知循入洛便同載去而不告家人齊王冏辟為大司馬東曹掾翰因見秋風起乃思吳中菰菜蓴羹鱸魚膾嘆

曰人生貴得適志何能羈宦數千里以要名爵乎遂
命駕而歸

董京 晉書隱逸傳字威輦不知何郡人也初為隴西
計吏俱至洛陽被髮而行逍遙吟詠宿白社中時乞
於市得殘碎繒絮結以自覆全帛佳繇則不肯受或
見推排罵辱曾無怒色孫楚時為著作郎數就社中
與語遂載與俱歸後數年遁去莫知所之於其所寢
處惟有一石竹子及詩二篇

董養 晉書隱逸傳字仲道陳留浚儀人泰始初到洛
下不干祿求榮每覽國家赦書因著無化論以非之
永嘉中洛城東北步廣里中地陷有二鵝出焉其蒼

者飛去白者不能飛養聞歎曰昔周時所盟會狄泉
即此地也今有二鵝蒼者夷象白者國家之象其可
盡言乎顧謂謝鯤阮孚曰易稱知機其神乎君等可
深藏矣乃與妻荷擔入蜀莫知所終

王尼

晉書本傳字孝孫城陽人本兵家子廩居洛陽

為護軍府軍士胡毋輔之與王澄傅暢劉輿荀邃裴
段迭屬河南功曹甄述及洛陽令曹攄請解之皆以
制旨所及不敢輔之等齎羊酒詣護軍門尼時以給
府養馬輔之等入坐馬廐下與尼炙羊飲酒醉飽而
去竟不見護軍大驚即與尼長假因免為兵

柳蚪

北史本傳字仲盤河東解人馮儒引為府主簿

加鎮遠將軍棄官還洛陽乃退耕於陽城累遷車騎
大將軍儀同三司糾脫畧人間不事小節敝衣蔬食
未嘗改操嘗曰衣不過適體食不過克飢孜孜營求
徒勞思慮耳卒諡孝

王鎮惡 宋書本傳北海劇人猛孫年十三苻氏敗流
虜嶠澠之間嘗寄食澠池人李方家方善遇之謂方
曰若遭遇英雄主要取萬戶侯當厚相報方荅曰君
丞相孫人才如此何患不富貴至時願見用為本縣
令足矣後仕宋北伐為咨議參軍行龍鑲將軍軍次
澠池造故人李方家升堂見母厚加酬賚即版授方
為澠池令以軍功進號征虜將軍為沈田子所害追

封龍陽縣侯食邑千五百戶諡曰壯侯配食高祖廟
庭鎮惡弟康為前將軍行參軍鎮惡被害康逃藏得
免高祖即以康為相國求還洛陽視母時值關陝不
守康唱集義徒共保金墉城為守戰之備時寇盜攻
逼交至康堅守六旬宋遣將救之諸寇始各奔散高
祖嘉康節封西平縣男食邑三百戶永初元年卒金
墉葬偃師城西追贈輔國將軍

李冲

魏書本傳字思順隴西人孝文車駕南伐冲以

輔國大將軍統衆翼從定都洛陽遂家焉冲兄弟六
人四母所出頗相忿鬪及冲貴封祿恩賜皆以共之
父亡後同居二十餘年至洛乃別第宅更相友愛累

官至左僕射留守洛陽冲機敏有巧思洛都初基安處郊兆新起堂寢皆資於冲勤志強力孜孜無怠且理文簿兼營匠制几案盈積剗厠在手終不勞厭也及卒諡曰文穆葬於覆舟山近杜預冢高祖之意也後車駕自鄴還洛路經冲墓左右以聞高祖卧疾望墳掩泣久之

陸贄 唐書本傳字敬輿嘉興人貞元中官中書舍人時帝遣中人迎其母韋至京俄宅憂客居東都諸賄遺不受惟布衣交韋臯所致先以聞詔令受之復遷故鄉父柩合窆洛陽

裴度 唐書本傳字中立河東聞喜人貞元初擢進士

第累拜門下侍郎平章事討吳元濟有功進宏文館
大學士知政事太和四年出為山南東道節度使頃
之固請老不許八年徙東都留守俄加中書令時闔
豎擅威度不復有經濟意及治第東都集賢里作別
墅號綠野堂野服蕭散不問人間事帝知度年雖及
神明不衰每使臣自洛來必問度安否開成二年復
以本官節度河東明年以病西還東都卒贈太傅諡
文忠

李德裕 唐書本傳字文饒趙人宰相吉甫子承先志
治東都平泉莊亭館臺榭甲於一時園多奇石而醒
酒石為第一形諸詩歌以洛為桑梓邑子孫遂家焉

德裕貶崖州子奕等俱死貶所奕子延古乾符中官
司勳員外郎還居平泉昭宗東遷坐不朝謁貶衛尉
主簿

李源 唐書本傳愷之子并州文水人愷官東都留守
祿山之亂城陷死節時源八歲得為奴及史朝議敗
故吏識源於洛陽者贖出之屬代宗聞授河南府參
軍遷司農主簿以父死賊手常悲憤不仕不娶絕酒
葷惠林寺者愷別墅也源依以居終日一食佛殿乃
其先寢每過必趨未始踐堦自營墓為終制時時偃
卧堦中長慶初年八十御史中丞李德裕薦之除諫
議大夫使者賫手詔緋袍牙笏絹二百匹至洛宣賜

源苦陳老疾不堪趨拜表謝辭竟卒於寺

李景讓 唐書本傳字後已贈太尉愷孫也性方嚴有
守事親克孝雖老猶受筆責已起欣欣如初嘗為浙
西觀察使怒牙將杖殺之軍且變母鄭氏廷責之日
爾鎮撫方面而輕用刑一夫不寧豈特上負天子亦
使百歲母銜羞泉下何面目見先大夫將鞭其背吏
大將再拜請皆泣謝乃罷一軍遂定後官御史大夫
致仕還東都門無雜客李琢罷浙西以同里訪之避
不見及去命斲其扁石元和後大臣有德望者以居
里顯景讓宅東都樂和里世稱清德者號樂和李公

云

白居易 唐書本傳字樂天太原人貞元中舉進士補
校書郎遷翰林學士文宗時累官刑部侍郎封晉陽
男進馮翊縣侯會昌初以刑部尚書致仕歸洛陽居
履道里疏沼種樹構石樓香山鑿八節灘稱香山居
士常與胡果吉叟劉真台鄭據盧慎張渾李元爽僧
如滿燕集人慕之繪為九老圖卒贈尚書右僕射宣
宗以詩吊之弟行簡擢進士敏而有辭官至振武營
田使

賈島 唐書韓愈傳字浪仙范陽人累試不第遂習浮
屠徙居東都工於詩韓愈教其為文島逐去浮屠舉
進士大中末為長江主簿有長江集十卷

張濟 唐書本傳河間人以尚書右僕射致仕居洛長
水墅劉季述亂致書諸藩請謀王室及昭宗幸洛朱
全忠畏濟構他鎮兵使牙將如盜圍墅夜屠其家義
士葉彥與濟善黥送子格入蜀少子播走淮南

竇牟 唐書竇羣傳字貽周京兆金城人叔向子累佐
節度府晚從昭義盧從史從史寢驕牟度不可諫即
移疾歸東都從史敗不以覺微避去自賢位國子司
業兄常弟羣庠羣皆工詞章為聯珠集

裴無晦 唐書裴寬傳聞喜人寬父袁州刺史齋裴以
迎後生八子皆擢明經拔萃任內臺省外州刺史於
東都仁和里治第八院相對甥姪亦有名稱常擊鼓

會食

胡銜 全唐詩集日本人唐開元時為校書郎廬居於洛儲光羲贈朝詩有出入蓬山裏逍遙伊水旁之句

穆寧 唐書本傳字元休懷州河內人初授鹽山尉安祿山反以劉道元偽署景城寧募兵斬之德宗時以祕書監致仕歸東都四子贊實員賞贊為御史中丞實右補闕員侍御史賞監察御史皆以守道行誼顯

鄭珏 五代史本傳唐宰相縈之諸孫父徽為河南尹

張全義判官珏少依全義居河南第進士明宗朝官左僕射

張誼 宋史張去華傳字希賈襄邑人少孤好學諸父

嘗命督耕往則閱書樹下諸父怒詬辱之誼乃潛詣
洛陽龍門書院讀書與宗人沆鑿混結交名聞都下
後唐長興中和凝掌貢舉擢第薦於宰相桑維翰拜
左拾遺

魏仁浦 宋史本傳字道濟汲縣人幼孤貧母為假黃
縑製暑服仁浦年十三歎曰為人子不能養乃使慈
母求貸以衣我乎因泣下辭母詣洛陽濟河沈衣中
流誓曰不貴達不渡此河周世宗時官中書侍郎平
章事宋進右僕射

符彥卿 宋史外戚傳字冠侯宛邱人存審子長女適
周世宗即宣懿皇后封魏王領天雄軍節度宋太祖

建隆四年移鎮鳳翔被病請還洛陽從之彥卿將家
子勇畧善用兵契丹畏之呼為符王居洛陽春月嘗
乘小駟從家僮遊僧寺名園優游自適

趙普 宋史本傳字則平幽州薊人父迥舉族徙洛陽
普沈厚寡言范質薦為軍事判官太祖嘗與語奇之
時獲盜百餘當棄市普疑有無辜者啟太祖訊鞠之
全活者甚衆以佐命功累官樞密使檢校太保乾德
二年獲門下侍郎平章事集賢殿大學士普既拜相
上視如左右手事無大小皆咨決焉淳化三年乞骸
骨歸七月而卒贈尚書令追封真定王諡忠獻普少
習吏事官分學術及為相每歸私第輒閉戶啟篋取書

而讀之次日臨決如流既卒家人啟篋視之則論語
二十篇也咸平初追封韓王配享大祖廟庭
王彥昇宋史本傳蜀人後唐同光中移家洛陽明宗
補為東班承旨歷晉周官至龍捷軍都虞候建隆中
累官原州防禦使西人畏之不敢犯塞

范仲淹宋史本傳字希文吳人少有志操為秀才便
以天下為己任貴後身敦儉約性好施予贍族樂義
士多出其門為政尚忠孝所至有恩嘗奉真宗御容
崇福宮登高履勝與歐陽修梅聖俞唱和焉歿諡文
正葬洛陽縣西之萬安山

文彥博宋史本傳字寬夫汾州介休人天聖五年舉

進士逮事四朝任將相五十餘年封潞國公元豐二
年以太師致仕居洛陽與富弼席汝言王尚恭趙丙
劉几馮行已楚建中王慎言張問張燾司馬光王君
既乃用白居易故事就弼第置酒相樂尚齒不尚官
已而圖形妙覺僧舍謂之洛陽耆英會光為文序其
事好事者莫不慕之

司馬光 宋史本傳字君實陝州夏縣人父池令光山
生光因以為名年二十舉進士累官資政殿學士元
祐間罷相廝居洛中築獨樂園自號迂叟與邵子程
子相游嘗往來陝洛間人化其德師其學法其儉有
不善曰君實得無知之乎在洛凡十有五年哲宗即

位復召入相拜左僕射卒於位贈太師溫國公諡文
正配享哲宗廟庭語林溫公優游洛中不屑世務元
豐中秋與樂令子訪友洛汭過韓城抵登封憩峻極
下院趨嵩陽造崇福宮至紫極觀尋會善寺越鞬鞞
遽達西洛少留廣度寺歷龍門至伊陽訪奉先寺登
華嚴閣觀千佛巖躡山徑瞻高公真堂步潛溪還保
應觀文富二公之廣化寺拜邠陽堂下涉伊水登香
山到白傅影堂詣黃龕院倚石樓臨八節灘還伊口
歸敘之以為遊錄

呂誨 宋史本傳字獻可開封人登進士第歷官御史
中丞以論王安石出知鄧州旋提舉崇福宮以疾表

求致仕誨居病困猶以天下事為憂既革司馬光往
省之至則目已瞑聞光哭麗然而起張目強視曰天
下事尚可為君實勉之遂卒

李建中 宋史本傳字得中京兆人祖稠避地入蜀建
中年十四丁外艱奉母徙居洛陽聚學以自給太平
興國八年舉進士累官工部郎中卒建中性簡靜恬
於榮利前後三求掌西京留守御史臺尤愛洛中風
土就構園池號日靜居好吟詠每游山水多留題自
稱巖夫有集三十卷子周道園士並進士及第
張載 宋史道學傳字子厚峒縣人年十九喜談兵謁
范仲淹范奇其才規以正學因折節改行孳孳向道

嘗於關中坐臯比講易學者宗之後入洛見兩程論
易遂撤臯比謂學徒曰程某言易甚精盍往從之居
洛最久載於兩程為中表父行以理學相勵還往尤
密卒後封郿伯諡曰明從祀文廟

曾幾 宋史曾開傳贛州人徙河南高宗時嘗三仕嶺
表家無南物兄開忤秦檜幾亦坐廢檜死復起知台
州累官敷文閣待制卒諡文靖

范祖禹 宋史本傳字淳甫華陽人登甲科從司馬光
修資治通鑑在洛十五年不事進取書成授祕書正
字王安石愛重之安國亦與友善嘗道安石意竟不
往富弼致仕居洛罕與人接遇祖禹特厚疾篤授以

密疏論安石誤國及新法害人皆謂不可奏卒上之
楊時 宋史道學傳字中立將樂人熙寧九年進士時
程顥與弟頤講孔孟絕學河洛之士翕然師之時調
官不赴以師禮見顥於潁昌及歸顥目送之曰吾道
南矣顥死又見程頤於洛蓋年四十矣一日見頤頤
偶瞑坐時與游酢侍立不去頤既覺則門外雪深一
尺矣

席汝言 皇宋盛事錄字君從官尚書司封郎中致仕
廌洛陽與耆英會時年七十七

趙丙 皇宋盛事錄字南正太常卿致仕廌洛陽與耆
英會時年七十五

馮行已 皇宋盛事錄字肅之官衛州防禦使致仕
洛陽與者英會時年七十五

王慎言 皇宋盛事錄字不疑官朝議大夫司農少卿
致仕 洛陽與者英會時年七十二

張燾 皇宋盛事錄字景元漢陽人第進士神宗朝歷
龍圖閣直學士知成都府通議大夫提舉崇福宮致
仕 洛陽與者英會時年七十

張問 皇宋盛事錄字昌言襄陽人進士起家累官祕
書 給事中終大中大夫提舉嵩山崇福宮入元祐
黨籍 洛陽與者英會時年七十。案以上六人皆
流寓洛陽與者英會者故並附入

王拱辰 宋史本傳字君貺咸平人舉進士第一為翰林學士初知河南府積官至吏部尚書遷太子太保卒諡懿恪澠水燕談元豐五年文潞公留守西京慕唐白樂天九老會於是悉聚洛中大夫賢而老自逸者韓公置酒相樂凡十二人是時宣徽使王公拱辰年七十留守大名貽書二公預其數凡十三人。案宣徽與潞公書云某亦家洛位與年不居數客之後顧以官守不得在座為恨願腐名其間則王之流腐於洛明矣

張巖叟 金史張大節傳字孟弼五臺人大定十九年登第累遷沁南節度使以年老不任邊要致仕退腐

洛陽卒

劉昂 金史文學傳字之昂興州人有文名自成一家
言詩得晚唐體尤工絕句大定十九年進士為平涼
副使遭當塗之忌卜居洛陽

熊正德 舊府志衡陽人進士遊廡洛陽傳有梅花堂

記

周洛 舊志字彥博其父僑居洛瀆故生子即以洛名
焉詞藻綺麗洪武時宋濂賦游山歌贈之

崔譽 舊志滕縣人任閩鄉訓導慕洛中山水徙居焉
卒葬邱山之麓

卞為麒 舊志字圖閣蓋州舉人天啟末官歸過洛卜

居焉卒葬邙山子雲龍河南衛指揮化龍永和知縣
陳靖建 豫變紀畧蘇州人賣藥洛陽市被闖賊執不
屈言大明天子在上諭賊歸順賊怒寸磔之至死罵
不絕口

邵進 舊志字晉人餘姚人康節裔孫講良知之學兩
浙名公卿多出其門晚年流寓洛陽杜門著述卒葬
邙山

尚無尚 府志名學孔以字行直隸人康熙間徙居洛
陽生而伉直鮮所許可終老不要生平喜吟詠不苟
作作亦不輕示人與洛下劉洙孫扶蒼友善簞瓢屢
空晏如也太守汪舟次知其賢數招之不往一日遣

人贈以金無尚堅卻不受病將革以詩付友曰吾無
嗣此即吾子也劉洙等殮葬之題其墓曰詩人尚無
尚墓今邛山墓碣存焉

朱東魯 採訪冊前明婺源學生講學洛下著有朱陸
異同折中

曾璩華履校李錫爵校對

洛陽縣志卷五十六

洛陽縣知事曾炳章重印

清舉

人陸繼輅

同纂

洛陽縣知縣魏襄

列女傳一

樂羊子妻 後漢書河南人不知何氏之女羊子嘗行路得遺金一餅還以與妻妻曰妾聞志士不飲盜泉之水廉者不受嗟來之食况拾遺求利以汚其行乎羊子大慙乃捐金于野而遠尋師學一年來歸妻跪問其故羊子曰久行懷思無他異也妻乃引刀趨機而言曰此機生自蠶繭成于機杼一絲而累以至於寸累寸不已遂成丈疋今若斷斯織也則捐失成功

稽廢時月夫子積學當日知其所亡以就懿德若中
道而歸何異斷斯織乎羊子感其言復還終業遂七
年不返妻常躬勤養姑又遠饋羊子嘗有他舍雞謬
入園中姑盜殺而食之妻對雞不餐而泣姑怪問其
故妻曰自傷居貧使食有他肉姑竟棄之後盜欲有
犯妻者乃先劫其姑妻聞操刀而出盜日釋汝刀從
我者可全不從我者則殺汝姑妻仰天而歎舉刀刎
頸而死盜亦不殺其姑太守聞之即捕殺賊盜而賜
妻縑帛以禮葬之號曰貞義

愍懷太子妃王氏 晉書太尉衍女也字惠風貞婉有
志節太子既廢居于金墉衍請絕婚惠風號哭而歸

行路為之流涕及劉曜陷洛陽以惠風賜其將喬屬
將妻之惠風拔劍距曰吾太尉女皇太子妃義不受
辱遂遇害廣物博志王進賢為劉曜所掠渡孟津欲
妻之進賢罵曰我太子婦司徒女敢干我乎言畢投
河婢六出亦投河

石崇妻綠珠 嶺表錄綠珠梁氏女崇以珠二斛致之
孫秀求之不與因勸趙王倫誅崇收者至綠珠自投
樓下而死

華陽王楷妃元氏 隋書巖之女性婉順初選為妃未
幾而楷被幽廢妃事楷愈謹每見楷有憂懼色輒陳
義理以慰諭之楷甚敬焉及江都之亂楷遇宇文化

及之逆以妃賜其黨元武達初以宗族禮之置之別
室後因醉而逼之妃自誓不屈武達怒撻之百餘詞
色彌厲元取甕自毀其面血淚俱下武達釋之妃謂
其從曰我不能早死致命將見侵辱我之罪也因不
食而死

韓覲妻于氏 隋書字茂德洛陽人周大佐輔實之女
年十四適覲雖生長膏腴家門鼎盛而動遵禮度躬
自儉約年十八覲從軍戰歿于氏哀毀骨立慟感行
路每朝夕祭奠皆手自奉持及免喪其父以其少而
無子將嫁之誓無異志復令家人敦喻于氏晝夜涕
泣截髮自誓其父喟然傷感遂不奪其志焉因養夫

之弟子世隆為嗣身自撫育愛同已生訓導有方卒能成立自孀居以後親族有就省謁者送迎皆不出戶闔疏食布衣不聽聲樂以此終身文帝聞而嘉嘆下詔褒美表其門閭長安中號為節婦門

劉杲女 隋書河南人適長孫氏之子杲仕周封彭國公與文帝有舊及受禪甚見親禮其子居士數得罪帝以杲故每原之居士轉恣破其家產杲年老奉養甚薄其女時寡居哀杲如此每歸寧躬紡績以致甘肥後居士坐告不遜誅杲亦下獄女每親調飲食詣大理餉父見獄卒長跪以進獻款嗚咽見者傷之及杲賜死女言父無罪生子以及禍情詞哀切人皆不

忍聞見透布衣疏食以終其身帝聞之嘆曰吾聞衰
門之女與門之男固不虛也

盧氏 唐書狄仁傑姨居牛橋南別墅仁傑往謁適姨
子帶弓矢攜雉兔歸顧揖仁傑意甚輕傲仁傑啟盧
曰某備位宰相弟有何樂願從其旨盧曰老身止此
一子不欲其事女王

于琮妻廣德公主 唐書琮尚公主黃寇犯京師琮被
禍公主曰妻李氏女義不獨存遂入室自縊

畢某竇烈婦 唐書河南人朝邑令畢某妻初同州軍
亂逐節度使李璿走河中令匿望仙里不知所舍乃
仇家也夜半盜入群令首欲殺之竇泣蔽釋至中乃

不解令得脫走不死賊亦去京兆聞之歸酒帛醫藥
幾死而愈

尹焞母 宋史焞自少師事伊川先生紹聖初應科舉
發策語不善焞曰是尚可以干祿乎不對而出告伊
川曰焞不復應進士舉矣頤曰子有母在焞歸告其
母母曰吾知以善養不願汝以祿養伊川聞之曰賢
哉母也

种放母 宋史長安主簿翊妻性樂道薄滋味夫歿與
放俱隱終南山豹林谷之東明峯結草為廬僅蔽風
雨母處之怡如也淳化三年放被召母恚曰嘗勸汝
勿聚徒講學果為人知而不得安處放遂稱疾不起

母盡取其筆硯焚之與放轉入窮僻人跡罕至太宗
嘉放之節詔京兆賜以緡錢使養母有司歲時存問
咸平初母卒帝詔賜錢帛助喪

二程子母 本傳程大中大夫珣夫人侯氏二程子之
母治家有法不嚴而整不喜鞭笞奴婢諸子或加呵
責必戒之曰貴賤雖殊人則一也諸子有過必以白
父曰子之所以不肖皆母蔽其子而父不知耳二程
襁褓間已教經史纔數歲行或踣未嘗不呵責曰汝
若安徐寧至于此飲食嘗置二子于座側或絮羹即
叱止之曰幼求稱欲長當何如故明道兄弟平生于
飲食衣服無所擇皆母教之使然也

呂希哲母 本傳中國夫人正獻公之元配也性嚴有
法教希哲事事循蹈規矩甫十歲嚴寒盛暑侍立終
日不命之坐不敢坐日必冠帶見長者在父母長者
之側不得去巾襪衣服無令入肆市鄭衛之音未嘗
一經于耳不正之書非禮之色未嘗一接于目教誨
之嚴如此故希哲德器大異于人

趙彬妻朱錦哥 元史天歷初朱為西兵所掠將犯之
朱度不能脫即給之曰幸釋我舍後井旁有瘞金當
發以遺汝兵信之朱得近井即抱三歲女踴身赴井
死

齊關妻劉氏 元史關為千夫長戰死劉家貧無所依

有強議婚者劉祥曰吾有願償畢當從所言是日徑
往天寧寺登浮圖絕頂祝天曰妾本河南名家女夫
已死不敢失節遂投地而死

李保兒妻牛氏永樂初旌

董安妻王氏成化初旌

董雄妻匡氏成化九年旌

劉傑妻賈氏嫁三年而寡旌

真邱郡主伊府安惠王之女下嫁儀賓蔡昇宏治初昇
卒郡主即日觸壁而死事聞詔旌其墓

黎忠妻張氏年十九守節宏治四年旌

楊璟妻馬氏婚數月而夫卒守節事聞旌

曹興妻龐氏年十九夫卒子俊生甫二十日及長娶李氏俊又卒李孝姑撫孤處登鄉榜事聞旌雙節

曹昂妻張氏正德七年流賊犯洛陽張抱子至壕畔為賊所逼仰見昂在城上大呼曰妾義不受辱今死君前得死所矣遂擲兒于地赴水死事聞旌里人為建祠

莊昇妻張氏夫卒撫子守節正德中旌

王盤妻唐氏夫卒自縊嘉靖七年旌

董維翰妻葉氏夫故氏絕飲食死節旌

尚鑑妻錢氏生子熊三月而寡守節撫熊娶于張生二子熊亦卒張撫子同姑矢志嘉靖三十一年旌

閩存姐年少隣人強逼不從殺之父母歸氏忽附人言
其狀父母白縣尹執隣人付之法建祠以祀

孫祿妻馮氏夫故苦志守節五十八年旌

郭遵夏妻喬氏尚書允升女夫亡守節旌

何宜繩妻金氏年二十守節三十年訓子成立

白應冬妻張氏青年守節撫子成立奉旌

王守身妻尤氏夫死刺指血自誓守節終身

陳明幹妻張氏夫故茹苦教子成立

齊鳳時妻孫氏年十九撫孤守節旌

張文政妻秦氏夫早死氏矢志教子蒙旌

杜正夫妻陸氏夫卒守節終身天啟間旌

杜敦孝妻喬氏闖賊破城不屈死

舉人郭永祚妻左氏城破人勸氏避難氏正色曰舅為

太僕夫為孝廉分應死同子璵妻楊投井死

諸生任忠妻李氏早寡教子紹曾登賢書旌

諸生徐毓淳妻董氏寇陷洛投井死

溫廷樞妻于氏賊入城投縲自盡子熙婦金氏亦抱兒

投井子死氏遇救得生茹苦守節事聞同旌

貢生杜敦悌母陸氏少年苦志守節蒙旌

董維貞妻李氏賊破城投井死

張彥珩妻賈氏寇破洛賈氏投姑逃罵賊被害

郭留妻孫氏年二十二守節蒙旌

貢生董景行妻郭氏賊入城避于方家堂賊驅之行抱
柱不從賊斷其手死猶抱柱不脫

諸生董維藩妻劉氏副使廣業女夫亡撫三子以節終
子昌言孫元輔相繼鄉薦人謂貞節之報

李女旌德令興然女賊陷城女年十四拜別父母自縊
死

李孕祥妻秦氏十九歲守節撫姪成立旌

魏伯昌妻宋氏寇破城氏隨昌走匿井旁草中賊搜得
氏氏舉手北指給賊轉視遂投井死

玉亭縣君伊藩典柄女年二十四適楊似未兩月寡撫
遺腹孝奉舅姑值歲祲宗祿久缺縣君勤紡績間日

而食其子曰取屋後土作坯易粟發地得錢數百每日如之尋復得石炭取以供爨焉咸謂苦節之感云貢生曹裡妻周氏裡卒于長安周為守節復為撰墓誌鄉里稱之

孫國儒妻劉氏夫故氏年二十五孝翁姑撫弱子以紡績供俯仰教二子秋陽東陽俱列庠事間旌

諸生許嘉瑞妻邵氏寇至懼辱死井

許銳妻徐氏寇變不屈投井死

許昂妻喬氏參議縉女昂河南衛指揮舍人娶氏一年卒遺腹生男後襲職喬苦節三十餘年

孫整妻常氏夫死守節教妾子珙成名年八十終

監生黃時泰妻任氏守節五十年旌

任彰妻某氏以完節旌氏常語守志者曰少婦居孀良非容易吾初守節時每有他念輒嚙臂制之能辨此鉄石心腸乃立得脚跟任不然勵于始隳于終矣

邵府妻朱氏夫死守節六十年旌

諸生李樹勳妻劉氏十九寡撫孤入庠旌

郭遵化妻朱氏守節四十五年旌

諸生青遂妻邢氏守節五十三年旌

王天民妻曹氏守節五十一年旌

解元任啟元繼妻許氏尚書論女夫卒氏年二十三善

事舅姑撫前子若已出守節承家旌

生員溫廷梅妻李氏梅卒無子氏年十七立姪為嗣撫
之成立旌

諸生魏光祚妻史氏年二十一守節旌

庠生范引妻閻氏年二十二守節旌

劉玉鑑妻尤氏年二十守節旌

諸生傅國英妻王氏少年守節旌

諸生戚苑卿妻朱氏城破自盡並幼女死

王進孝妻張氏寇至不屈投井死

廩生張鰲吸妻翟氏年十七守節撫孤旌

貢生邢士楷妻李氏寇至投井殉節

廩生王之鉉妻朱氏宗室珂封女夫故守節五十餘年

旌

高子坤妻司氏年二十守節撫子岱入庠旌

沈天祿妻金氏夫故撫孤守志旌

諸生李時行妻劉氏夫卒孝親慈幼旌

劉寶繼妻王氏夫亡不食七日而卒

諸生畢承祖妻邢氏二十歲撫孤守節旌

吳福妻曹氏二十三孀撫遺腹應事姑稱孝

曹王氏夫失名庠生曹應祥子婦也崇禎戊寅洗寇犯

洛執其姑欲殺之氏與夫妹挺身捍蔽寇曰不殺汝

幸矣何求死為氏叱日姑死安忍獨生殺則俱殺耳

寇並殺之

許導董正妻王氏遇寇不屈投井死節

呂鄉妻牛氏

潘原湛妻劉氏夫死無子於柩前自縊旌

徐平妻吳氏平卒氏年二十一守節終身

生員吳姓妻何氏崇禎辛巳城破時省母家居泣告母

曰兒為吳氏妻應死吳門送歸抱子投井而死

廩生張懋忠妻陳氏苦節撫孤入庠旌

孔印樟妻楊氏寇變伏節投井死

馬仁妻常氏早孀撫遺孤成立復亡又撫孫陞閑入庠

旌

參政張以謙繼室程氏守節終老旌

莊永昇妻沈氏夫故守節旌

諸生劉大業妻荀氏十九守節五十年旌

孫高擢妻李氏城陷夫被賊害自縊殉節

秦名卿妻潘氏適秦僅十月夫故守節三十餘年過寇
變投井死

諸生王任賢妻杜氏年二十夫亡子際昌幼績紡事舅

姑撫之有成孫維翰登進士

廩生王之錢妻陳氏撫嗣守節有司旌門

劉若淵妻葉氏守節五十八年旌

熊健妻宋氏青年守節歷四十九年而終子夢兆亦早

死媳祁氏年十九守節至老遇賊殉難旌

李杜姐旌德令滋發女闖賊至女年十四飲鴆死按
省志載興然女疑一人然父名各別且死亦異姑兩
存之

姬仁妻焦氏夫死家貧有欲奪其志者氏指井誓曰井
移吾志乃移撫孤元禮入庠奉旌人稱井曰誓節井
行人陳心傳妻某氏撫孤珏守節三十年

諸生徐觀光妻鄧氏十八撫女守節

諸生韓鍾岳妻朱氏方伯用女年十八守節岳弟夫婦

早亡氏代撫遺孤際泰成立列明經旌

王好仁妻謝氏歸匝歲寡撫遺腹夔卿入庠旌

諸生李可寶妻魏氏十九守節六十年旌

都御史張松繼妻闕氏松死氏年二十四奉姑孝撫三子入庠以節旌卒配曹節婦祠

孫政妻周氏年七七撫孤任娶李氏又寡旌雙節訓導陳璿妻馬氏賊陷城欲官璿璿自刎未絕為賊所囚子三錫奪父歸氏恐賊辱與女三姐投河死

諸生何錫如妻王氏年十九守節撫孤壽終

諸生劉九宮妻賈氏守節五十年旌

郭永歷妻楊氏太僕興言媳隨夫避亂夫歿子復失氏

痛絕投崖以救得不死還家十年子歸教之有成

舉人來秉衡母劉氏封安人城陷秉衡抗節死婦吳氏亦罵賊被殺劉痛哭大詈擊斃之

知州張其瑾妻劉氏進士廷芳女孫隨夫官濮州遇土
寇亂其瑾不屈死氏先期別王姑投井死

李尚德妻刁氏安徽藩使學裕之大母青年守節壽九
十三終

諸生何川如妻董氏年二十夫亡刎頸未殊家人奔救
氏急自探氣喉斷之乃絕

何宜發妻陳氏

吳瀛妻某氏

吳本妻李氏

葉儒妻陳氏

王鈺妻孟氏

黃涿妻李氏

管應平妻董氏

孟陳舜繼室李氏

張黃道妻劉氏

任棟妻劉氏

薛維城妻于氏

王九經妻孟氏

劉保妻王氏

劉進朝妻趙氏

喬允進妻蔡氏

尤湄妻劉氏

李賓妻熊氏

韓蓄宏妻畢氏

劉廷試妻蘇氏

沈某妻某氏名姓闕

王陞妻周氏

王國柄妻郭氏撫孤成立順治十七年旌

劉可大妻魏氏夫故守節康熙三年旌

諸生商元印妻董氏夫歿氏年十八守節五十一年康

熙四十八年旌

范九玉妻康氏因饑夫於田遇張五欲犯之氏堅拒不

從五用鎚刀殺之康熙五十七年旌

張景齡妻韓氏夫亡年十八撫遺服子逾年母家欲改
適氏絕粒七日死雍正八年旌

殷長祚妻裴氏年十九夫死孝親撫幼以節旌
傅養賢妻劉氏夫歿青年守節至老奉旌
都司卑乾應妻李氏旌

莊景輝妻董氏守節撫孤雍正十二年旌
朱漢雯妻魏氏撫孤守節四十年子亡自縊
陳午孫妻李氏年十九夫亡自縊蒙旌

楊文耀妻梁氏撫二幼成立蒙旌
孫耀雲妻李氏守節撫姪入泮蒙旌

王慎妻李氏夫亡自縊

生員楊濟瀛妻王氏夫亡守節事舅姑喪訖曰吾事畢
矣不食死

秦啟召妻崔氏夫亡視含殮畢自縊蒙旌

李紹聖妻戴氏夫亡絕食死

王賓妻王氏

生員孟拱極妻葉氏撫二孤成名蒙旌

董從心妻陳氏夫亡守節

郭維揚繼妻李氏十九守節撫前妻子壽終

劉養純妻苗氏夫亡無子奉姑立嗣守節

張惟一妻劉氏甘貧守志教子孫多列庠序蒙旌

庠生邱岑妻李氏撫孤守節蒙旌

黃世學妻潘氏夫故家貧撫三子成立蒙旌

秦偉妻王氏家貧事姑撫孤守節旌

諸生溫爾培妻陳氏十九撫孤守節旌

朱謙吉妻張氏二十守節孝慈兼至縣旌

諸生胡際泰妻宋氏守節教子入庠旌

李一蘭妻范氏苦節事上撫孤有司旌節

知州董爾性妻百氏治家教子守節旌

王世榮妻馮氏撫幼子矢志守節五十年

諸生李業新妻馮氏奉姑撫孤守節旌

李洪如妻顏氏二十一守節四十七年

知府何玉如妻余氏夫故訓子成家壽終

韓先祖妻申氏夫故守節三十六年

諸生潘景辰妻劉氏二十三守節子致甫入庠卒妻董

年二十二孀孫輝曾妻溫亦早孀稱三節 旌

廩生董昌印妻秦氏二十三守節三十年

許克明妻耿氏撫遺腹守節有司表閭

諸生何鉞妻高氏苦節六十三年事姑稱孝

王述曾妻張氏撫週歲孤歷節四十餘年

諸生郭眉齡妻李氏撫孤殤復撫姪入庠

晉國蘭妻趙氏二十守節教子炳稱孝

諸生史嘉祥妻李氏滋發女二十一守節翁病嘗穢

廩生董駿發妻石氏奉姑孝守節五十年

朱世朴妻劉氏早寡撫二孤有成以壽終

貢生何銜妻師氏善事翁姑以孝聞

監生何鈞妻周氏善事翁姑以孝聞

陳惟敬妻方氏十八撫姑成立守節四十二年

金廷齡妻白氏居土穴夫壓死撫孤守志

盧文斗妻魏氏青年守節家貧奉翁姑至孝

王玠繼妻蘇氏二十守節撫前妻子縣旌

孫修德妻石氏子三省妻郭氏孫良相妻張氏三世皆

以青年矢志稱完節

王應試妻邢氏夫故年少斷髮誓志有司旌聞

李王度妻劉氏二十一寡事上撫孤縣旌

史譜妻孫氏十九守節撫嗣子有成邑令匾旌
林朝龍妻周氏二十撫孤守節六十一年

贈按察使李本質妻曹氏夫早亡姑年逾九十多病氏
孝奉不懈後以子學裕貴封淑人

郭基昌妻梁氏夫死紡績撫遺腹守節五十年

魏國福妻馮氏甘貧育子守節五十五年

韓瑄妻萬氏夫死子三復逝與三孀媳撫孫同節

韓國佑女

龐忙姐

黃璉女

司馬惠女

崔毛姐

陳學詩妻馬氏以上六人皆烈死奉旌

宮瓊區妻谷氏夫亡撫幼苦節五十載

胡敬聖妻王氏孝親撫孤顯令同媳守節

胡顯令妻張氏王氏媳以上三人乾隆元年旌

諸生張于默妻徐氏守節事病姑以孝著

郭允竚妻孫氏家貧守志撫孤有成

諸生董九苞妻劉氏事後姑孝立嗣守節

王錫爵妻張氏事舅姑撫幼子守節

貢生郭致大妻鄧氏年十六歸郭甫三月夫亡事孀姑

矢志以姪嗣以上五人二年旌

王愷妻李氏事親撫孤歷節四十五年

苗穉妻孫氏二十守節事翁姑孝課子有成

朱麟妻馬氏孝慈兼至以上三人俱三年旌

廖爾濬妻黨氏事姑孝教子入庠四年旌

貢生郭繼曾妻何氏讀書明義四年旌

裴汝翼妻王氏養親孝訓子慈六年旌

邢僖妻李氏孝養無缺撫嗣有成

陳謙妻徐氏事病姑盡孝訓嗣子有方

郭贊妻胡氏早孀獨撫夫弟成立以上三人七年旌

謝君愛妻蘇氏律身甚嚴戶外罕窺其跡

許毓珪妻張氏歸甫期年孀立嗣孝舅姑

岳定妻王氏矢志孝親撫孤存禮入太學

伏文鑄妻王氏十八歲守節奉病翁以孝稱

來迎社妻張氏撫幼子事孀姑苦節終身

董策妻李氏夫亡翁衰姑失明民事之盡孝見省志

胡朝用繼妻吳氏二十歲寡善撫嫡子

諸生周繹文妻黃氏夫亡撫嗣子又亡撫孫乾隆三十

八年建百歲坊以上八人俱八年旌

監生董嘉賴妻杜氏事病姑孝愛妻子慈

凌選妻張氏撫二孤成立以完節稱

張文明妻苗氏孝事孀姑撫嗣成立

劉賓妻王氏姑歿事舅克順甘貧撫孤

王者賓妻黃氏孝翁姑立嗣守節

王宏毅妻胡氏年十九寡撫孤事親稱孝

畢思聰妻陳氏夫亡以姪銳嗣守節三十九年

苗觀生妻姚氏夫亡事舅姑撫三子有成

諸生于依仁妻武氏夫歿撫孤事親稱孝

畢星妻張氏夫亡撫遺腹成立事舅姑盡禮

馬璐妻周氏夫故事翁姑孝撫孤子成立

馬永正妻張氏夫亡姑喪氏節孝兩全

知縣郭如莪繼妻曹氏夫卒守志

宋際升妻曹氏夫亡事老姑撫孤子

諸生董樂天妻張氏年二十夫故一子復病廢遭遇至

苦堅志不移以上十五人 旌

諸生王遐齡妻李氏撫孤度入庠壽八十

孟長儒妻張氏夫亡孝親撫孤壽逾八十

亢九思妻李氏夫亡孝孀姑守節四十六年 旌

黃克讓妻張氏早孀苦節撫孤三十五年

王建統妻王氏十七歲寡子三桂妻段氏亦早孀同姑

守志

牛珮妻張氏青年矢志撫孤已成進士壽八十八

史興祖妻韓氏夫故撫姪守節五十一年

蕭瑛妻陸氏年二十一孀撫二子有成邑令匾旌

姚可才妻景氏夫死事親保孤壽九十二

倪賓妻王氏二十夫故遺子未週守志三十餘年

任光聲妻陳氏青年撫孤守志五十年

焦文裕妻丁氏早寡事親撫孤守節三十七年

劉佑妻馮氏早寡翁姑老堅志守節五十年

徐朝遠妻寇氏十九寡事上撫孤守節六十年

王岳齡妻鮑氏二十孀孝舅姑守節四十年

諸生郭鍾秀妻闕氏夫亡撫孤揀入太學又卒闕苦節

五十九年棟妻張氏亦守節終身

常某妻吳氏夫故苦節自誓子世名娶董又卒遺孫六

月姑婦同操

郭永德妻胡氏早寡家貧撫孤苦節五十二年

孔世英妻趙氏青年夫故撫孤矢節

諸生劉應樾妻吳氏年十九撫孤守節

楊克拔妻沈氏二十孀事姑孝撫嗣守志

王寅妻汪氏守節六十四年子仁遠庠生

陳珣妻盧氏夫故撫子成家歷節六十二載

陳正星妻鄧氏青年喪夫撫孤亢中成立娶麻氏又亡

一門雙節邑令旌之

李仙植妻張氏早寡事親育幼歷節四十年

宋連才妻辛氏早寡事親撫孤邑令匾旌

范洪圖妻張氏夫歿養老育穉守節三十年

邢士標繼妻蔡氏早寡育前妻子守節

王國棟妻蔣氏早寡撫孤歷五十年邑令匾旌
黃國卿妻楊氏夫故子幼守志不二

武世輔妻左氏青年守節四十八年子統文妻高氏亦
守節武世相妻陳氏守節四十三年稱一門三節

貢生喬起龍妻馬氏十九夫亡守節六十八年

楊汝琰妻張氏早寡撫子守節五十六年

亢爾讓妻張氏夫亡親老子幼苦節四十四年
董大祥妻張氏夫故立嗣守節六十年

諸生商嘉模妻黃氏二十一矢節撫孤以壽終

魏克敬妻韓氏夫亡孝孀姑撫孤成立

楊爾彥妻周氏十八笄八月夫故撫遺腹守節

張毓瑞妻喬氏孝姑撫嗣守節六十一年
諸生李國璧妻王氏苦節六十年邑令旌
張漢妻高氏漢卒孝舅姑守節不渝邑令旌
諸生李澄清妻孫氏撫二子守節六十年
楊鑑妻邢氏十九寡子彌月誓死守節
史調鉉妻石氏夫故奉翁姑撫嗣守節三十年
趙廷鏞妻段氏夫故無子撫嗣姪守節
李之蕃妻李氏早孀奉老撫幼守節三十六年
柳恒妻李氏十九寡無子甘貧守志依姪終
廩生韓彥妻劉氏年十八寡無子食貧守志
李衍繩妻姚氏二十一寡撫孤守節邑令旌

馬學信妻郝氏年二十寡撫嗣孝舅姑邑令旌

劉浩妻張氏青年守節事老撫幼邑令旌

曹朴妻于氏青年矢志課子讀書守節四十年

曹嘉言妻孫氏夫亡無子苦節四十六年

袁帝簡妻郭氏年二十寡子自立妻王氏年十九歲孀

撫數月孤姑媳同節

霍可傑妻潘氏夫亡事二親苦節五十七年

梁清妻李氏夫亡誓志撫子守節邑令旌

諸生邢煩妻李氏夫亡撫遺腹守節邑令旌

王濂妻汪氏夫亡誓志撫孤事親守節四十五年

陳其璜妻韓氏十八歲寡事衰親撫遺腹守節

翟士奇妻孫氏克事老親撫三子有成

馬騰雲妻蕭氏夫亡家貧矢志撫孤以苦節終

戴王祉妻張氏養老撫孤守節四十三年

程明揚妻王氏夫亡青年守節子其儒娶鄭氏又卒矢

志如其姑姑年八十四鄭無子以姪嗣

朱緯妻張氏二十一孀家極貧撫孤守志邑令旌

何應誌妻孫氏夫亡撫子苦節五十二年

王溥妻張氏夫亡夫志子宮檜妻徐氏亦少寡守節如

姑

李作新妻趙氏二十寡姑老撫嗣歷節五十年

李鎮妻寇氏夫故撫子苦節三十年邑令旌

袁世法妻朱氏夫亡家貧奉姑撫嗣備極艱瘁
孝遵周妻姚氏夫亡子甫五月撫之成立
胡國輔妻蘇氏奉七旬翁姑撫二齡子苦節終
翟遵陽妻韓氏家貧仰事俯育苦節六十年
諸生鄭人傑妻劉氏撫姪守節四十四年
葉雲沛妻趙氏養老撫幼守志以壽終
于廷霖妻宋氏夫亡孝舅姑訓子慕炤入庠
李循繩妻姚氏年二十二夫亡撫孤守節
諸生董九徵妻王氏守節四十年以姪嗣
朱倫彝妻賈氏夫亡子方晬矢志守節
楊大邦妻陳氏夫亡無子立嗣守節三十五年

彭直妻徐氏年二十三夫亡苦節五十二年
魏成德妻郤氏夫亡撫孤守節四十年邑令旌
李廷雲妻姚氏夫故守節五十三年以姪嗣
胡宗舜妻方氏夫亡守志善事翁姑始終如一
唐士龍妻宋氏早寡事翁姑孝撫三子有成
龐獻卜妻孫氏二十寡孝翁姑撫遺子卒成其志
曾球妻黃氏二十寡子方晬守節四十年
監生李復陽妻董氏夫亡苦節撫孤以壽終
李秀妻盧氏家貧夫死遺子未週堅志守節
王敷化妻范氏夫亡撫六月孤辛勤以壽終
李之貴妻曹氏夫亡撫孤守節五十二年

陳九疇妻史氏青年夫亡守節五十二年學使旌
黃先聲妻黃氏夫亡矢志守節以老
魏一鷺妻張氏青年夫故守節六十年
張宏妻李氏十八寡撫遺腹子苦志三十二年
呂承文妻張氏二十一寡無子以織事孀姑稱孝
吳文煥妻王氏二十二寡孤殤撫兄子矢志守節
白無飾妻趙氏夫亡家貧孝親撫彌月孤有成
潘玉璉妻李氏二十夫亡撫姪守節三十年
張福賢妻何氏二十一守節事親撫孤四十年
孫顯祖妻徐氏十九夫故撫孤守節四十年
諸生王楷妻常氏年二十二夫亡撫遺腹既婚復亡與

媳郭氏養遺腹孫人稱雙節

范岐妻李氏二十夫亡苦志撫孤常以樹葉充饑

黃奇妻潘氏二十二夫故撫孤守貞五十年

許碩儒妻宋氏早寡孝舅姑撫三子成立以老

王蘭妻李氏青年夫亡家貧撫孤歷五十年

李傑妻范氏夫亡撫孤不以窮困改節歷五十年

齊良相妻邱氏青年夫亡苦節四十七年

朱廷先妻高氏夫亡撫四月孤既婚人卒撫孫

郭宸修妻馬氏夫亡撫姪矢志養親壽終

李鳴鳳妻畢氏早寡姑老子幼以績紡供食守節

田耀然妻曹氏夫故孤幼守節五十年

吳應試妻馬氏早寡事親撫孤誓以死守子仁故妻詹氏十九矢志如姑歷久不渝

劉景星妻趙氏夫亡事親撫孤守節四十八年
侯輔臣妻孫氏夫亡姑老子幼家貧守節

張應魁妻王氏十七魁贊半載歿撫遺腹守貞

陳四妻程氏夫亡撫子守節四十五年

龐敦業妻張氏夫亡事上撫孤壽八十四學使旌

楊相妻謝氏年十七夫亡矢志守節以姪嗣

楊文壽妻董氏二十一孀立繼守節四十五年

郭元翼妻張氏夫亡撫女孝姑歷節五十年

孫範妻李氏十九夫歿子又殤家貧盡禮

蘇永祥妻柳氏青年夫亡苦節四十五年

王德吾妻趙氏夫故守志依姪守節四十六年

任琮妻張氏夫故事上撫孤守節四十六年

李懷珍妻王氏青年夫故遺孤復亡立繼全節

李均妻劉氏二十寡撫孤守節邑令旌

李澧妻孫氏青年夫亡撫孤有成守節四十六年

李可貞妻張氏苦志撫孤守節五十年

呂承武妻王氏早孀家貧事上撫孤歷四十年

陳紹周妻馬氏夫故嚙指自誓守節四十年

諸生郭允綺妻徐氏事姑訓子守節至老

張王命妻李氏撫孤有成守節四十四年

李有讓妻李氏青年夫亡撫姪完節四十六年
朱克明妻張氏撫孺月子守節子庠生
張恒崇妻李氏夫故養孀姑撫孤守節五十年
張毓琮妻陳氏夫歿孝養舅姑撫孤成立
監生董嘉名妻史氏苦節自誓子金章舉人
范安祿妻姚氏夫故翁姑老幼一身肩之
梁玉琯妻張氏十八寡養老撫幼苦節五十年
張天祺妻劉氏夫亡矢志撫孤歷四十年
鄧世英妻王氏夫故姑歿撫天弟守節四十二年
苗澤盛妻袁氏夫亡撫孤守節四十五年
諸生郭金聲妻李氏夫亡遺女矢志不移

王于夏妻徐氏家貧無子守節終老

監生張無爭妻黃氏夫亡撫姪孝親守節

李廷秀妻朱氏夫亡截指誓守以苦節終

史應選妻曹氏年十九夫亡撫孤守節四十年子早歿

媳孫氏亦守節

劉思智妻魏氏思信妻高氏娣姒同以節孝著信故高

年十八子一週閱數月智故遺孤彌月魏同矢志

王錫祿妻李氏十九寡事姑撫幼守節五十年

許良宦妻孫氏事翁姑撫二子守節四十二年

谷振郇妻張氏十八夫歿撫遺腹苦節三十年

馬明德妻張氏家貧子幼守節四十四年

曹應祥妻趙氏家貧子幼翁姑老守節終身
李淋妻馬氏事姑盡禮撫幼成立
劉建邦妻馮氏家貧養姑撫孤守節終身
朱性彛妻王氏撫二歲孤守節四十四年
諸生高漢英妻李氏養親撫孤守節六十年
劉作桂妻張氏夫亡無子苦節四十年
張某妻黃氏夫故苦志守節五十三年子進忠
任至德妻梁氏撫六月孤守節四十五年
施懷智妻李氏家貧親老子幼苦節四十年
胡國佐妻楊氏無子撫姪守節四十三年
監生董萬傑妻郭氏立嗣守節四十四年

郭恣鎮妻董氏十九夫亡立繼守節

葉雲高妻苗氏夫亡子甫三月守節四十六年

鄧顯宗妻白氏二十一孀守節四十三年

劉道源妻王氏早寡守節四十四年子永寧娶劉永昇
娶金兄弟皆死劉十九夫故金十八夫故稱三節

仇維世妻朱氏二十寡撫孤成立守節五十年

張元因妻師氏家貧立嗣守節四十年

董萬億妻龔氏二十夫亡家貧苦節三十六年

朱朝斗妻孫氏事翁姑撫孤子守節以終

孫佩璜妻張氏二十孀孝親撫孤守節四十年

王富妻劉氏家貧教子守節四十一年

李朝桂妻李氏十九寡撫襁褓子守節四十一年
周賢祖妻左氏矢志撫孤守節四十三年
王大仁妻王氏二十寡苦志守節四十二年
王希儒妻王氏撫二歲孤苦節三十五年
楊宗堯妻郭氏夫歿撫孤守節四十一年
張林妻趙氏撫三月孤守節四十三年
張濤妻溫氏夫亡遺孤四月夫葬嘔血死邑令旌
鄭有仁妻陳氏矢志撫孤守節四十一年
廩生陳汲龍妻王氏撫孤守節三十五年
史正行妻薛氏家貧撫三子苦節四十年
王性智妻石氏二十寡甘貧撫孤守節三十年

李典妻蔣氏忍饑撫子守節四十二年

楊其璘妻馬氏夫亡守志養老撫幼歷四十年

黃珏繼妻李氏夫亡撫孤守節四十二年

楊登第妻廣氏十八喪夫撫孤守節三十六年

李名世妻栗氏堅志撫孤守節四十年

孟長貴妻徐氏撫遺腹守節四十年邑令旌

沈苞妻陳氏夫亡立嗣守節四十年

諸生莊繼武妻何氏孝事翁姑撫孤守節

傅華妻孫氏孝養繼姑撫二子守節

李士仁妻楊氏二十三寡養親撫嗣歷四十年

劉文蒸妻唐氏二十寡撫孤守節四十一年

王國彥妻王氏十七夫殤善事翁姑立嗣守節
王學泉妻李氏養親撫孤守節三十一年

牛新炳妻楊氏十八寡矢志事親撫孤成立

金璧妻杜氏十九寡孝事舅姑守節四十年

諸生邱瓊妻甯氏事孀姑訓嗣子入庠守節

李永吉妻馬氏三十夫亡育孤守節

馬驥妻馮氏年十九寡矢志孝養苦節四十年

劉元妻韓氏青年夫亡子亦殤矢志不二

董珍妻許氏夫歿子柏林娶韓氏及抱孫子亦故許守

節三十五年韓侍姑以老

陳嘉言妻王氏夫亡守節孝親撫孤邑令旌

牛傑妻王氏二十一寡孝慈兼至歷四十年

張元英妻章氏年二十二守節撫三月孤兆隆入庠

范秀妻陸氏年二十三夫亡無子甘貧勵志

趙克顯妻李氏夫亡守節閱十餘年長子昱故未幾次

子芝又故長婦吳年二十一次梅年十九同勵冰操

李廷棟妻孫氏青年夫故事舅姑孝遺子榮娶潘氏而

死孫守節四十年潘氏事姑以孝聞

王良相妻劉氏年二十八夫亡家貧勤織紡奉舅堂上

撫子成立守節三十八年

諸生柯鏌妻呂氏夫歿三日不食以身殉

陳餘慶妻張氏撫子女成立守節四十年

劉士華妻張氏二十九夫故子女幼誓死守節
張彪妻吳氏夫故奉姑立嗣守節不二
馬崇文妻尚氏夫亡無子撫小叔子守節
方汝彥妻賈氏夫亡翁姑皆老守節盡孝
楊瑞生妻馬氏苦節撫孤三十餘年邑令旌
田葵妻楊氏矢志守節三十七年
楊無忤妻任氏事老撫幼守節三十年邑令旌
田蕙妻陳氏二十二夫亡守節三十七年
唐士鳳妻左氏孝親撫孤守節四十年邑令旌
史常妻曹氏十九寡立繼守節邑令旌
陳啟仁妻張氏守節孝孀姑撫孤子廷瑞入庠

方遇恒妻常氏撫孤守節三十九年

葛永祥妻劉氏夫亡子僅七日翁老堅志守節

賈英妻倪氏夫亡守節三十八年

李文華妻董氏二十三寡撫孤守節三十七年

解自成妻郭氏夫亡奉姑撫孤歷四十年

李國樞妻朱氏二十二夫故奉兩代姑以節孝稱

黃璽妻王氏夫亡績紡事孀姑撫孤守節

司馬雲妻申氏事舅姑撫孤子守節三十七年

石萬壽妻范氏夫亡守節二十九年

監生寤依仁妻郭氏青年守節孝慈並至

李某妻黃氏夫亡守節四十三年

吳謙益妻李氏撫子女成人守節三十七年
郭聰妻李氏二十三寡事姑撫孤守節至老
張世福妻蘇氏年二十二夫亡守節三十二年
向端妻劉氏年二十一夫歿守節三十七年
宋有成妻朱氏十六夫亡事親撫子稱完節
郭自興妻范氏二十寡事上撫孤以節終
宋國良妻井氏十七夫死家極貧撫遺腹守節
蕭祿生妻方氏夫故撫孤守節三十七年
端自強妻高氏夫亡事姑撫孤守節三十七年
喬鐸妻陳氏夫亡撫嗣守節三十六年
陳希賢妻林氏二十孀事上撫孤矢志守節

熊權妻楊氏十九夫亡撫遺孤守節學使旌
袁文選妻呂氏于歸兩月夫亡及夫葬一慟而死

余富莊妻關氏事親撫孤守節三十六年

田宗武妻薛氏二十五夫亡守節三十六年

石玉妻張氏夫亡年二十一守節三十餘年

史恭恒妻金氏十九寡翁姑老撫三月子守節

蘇景延妻呂氏夫故撫遺腹成立以孝稱

貢生袁昌瑞妻宋氏夫亡守節兼盡孝養

孫玳妻宋氏孝翁姑撫子士傑入庠

周學台妻黃氏夫亡撫孤守節三十二年

曹鳳翥妻張氏十七寡撫嗣守節

范安世妻任氏十九夫亡無子守節三十五年
李滄妻尤氏夫歿矢志撫孤守節三十六年
高元錫妻趙氏夫歿事親撫孤守節三十五年
高元度妻王氏撫孤守節三十四年
牛克明妻張氏夫歿事翁姑撫二子成立
邱峻妻李氏夫故撫三子次第八庠學使程
毛元善妻陳氏年二十撫遺腹成立守節終老
黃文憲妻殷氏夫亡紡績事翁撫嗣守節
吳居敬妻姚氏夫亡守節孝舅姑人無間言
司馬孝妻申氏二十寡事上立嗣紡績以老
李文煥妻何氏年十八寡事姑孝撫孤有成

韓養妻張氏夫亡奉養姑盡孝撫四子成立

監生黃珣妻劉氏二十三守節撫嗣成立

王榮環妻楊氏夫歿撫一歲子誓死守節

姚化國妻張氏十九夫亡姑老家貧立嗣守節

董萬方妻來氏夫歿遺孤亦殤撫姪守節

陳見可妻李氏夫故遺孤方穉守節撫之成立

董裕妻詹氏裕卒二子幼績紡苦守以節終

呂瑗妻倪氏年十九寡撫姪守節三十五年

陳元拔妻姚氏夫亡撫子有成以苦節著

姬文孝妻王氏家貧守節事親撫孤歷四十年

黃紹武妻王氏二十三夫歿守節三十四年

王士俊妻邢氏夫亡事姑撫子乾隆九年旌

劉世昌妻楊氏家極貧事親孤守節終

青拔妻張氏弟楊妻齊氏姊姪同節揚死婦年二十一

無子撫拔子春幾拔死張復守節

方璋妻韓氏夫歿撫遺腹成立守節四十五年

郭釗妻畢氏夫亡無子撫嗣守節三十三年

董有敏妻馮氏年二十夫亡守節三十三年

劉璜妻李氏夫亡守節三十五年

唐紹端妻王氏夫亡守節三十五年

王佩妻李氏夫亡守節三十年蒙旌

田爾佐妻潘氏二十一寡家貧子幼堅操益著

徐大仁妻張氏青年撫孤苦節三十三年
劉元輔妻魏氏二十夫亡孝事孀姑撫孤成立
王子仲妻秦氏夫亡無子守節三十三年
李可仁妻張氏青年夫故撫孤守節四十年
傅中顯妻王氏青年守寡苦節三十二年
伏文定妻李氏二十守節事老撫幼矢志不移
李文發妻張氏夫亡撫孤守節四十一年
李文聚妻趙氏二十夫亡孝養舅姑撫孤守節
林宗秀妻蔡氏早寡無子守節三十三年
諸生董溶妻邢氏二十夫亡守節孝親至老
溫大興妻李氏夫亡撫孤守節三十三年

段九德妻劉氏十七寡無子孝孀姑守節六十年
楊宏妻劉氏十七夫亡撫孤守節五十五年
諸生張朝遠妻于氏撫嗣守節四十年
曹自行妻何氏夫亡子幼績紡守節
殷宏祥妻王氏夫亡撫遺腹子守節三十三年
張元祐妻宋氏年二十撫孤成立守節
趙生蕙妻曹氏十九寡養親撫孤歷三十三年
溫如楷妻李氏二十三寡事上撫嗣守節
李如桂妻任氏夫亡撫孤成立守節三十四年
周日瑞妻鄭氏二十一寡無子立嗣守節
黃夢鰲妻岳氏二十二夫亡撫嗣守節三十一年

董自超妻邢氏超卒氏年十八撫嗣守節

黃夢蛟妻王氏年十九夫亡守節三十八年

黃夢勇妻董氏夫亡守志歷三十八年

監生朱鴻雲妻董氏夫故守節三十三年

王天祿妻段氏年二十夫故守節三十一年

耿國棟妻蔡氏二十一寡孝親撫嗣勤劬備至

趙恒泰妻王氏二十寡撫孤守節邑令旌

王維高妻陳氏夫歿舅姑亦逝守節邑令旌

朱健妻王氏夫亡孝孀姑守節三十二年

張元佩妻崔氏二十夫亡撫嗣守節邑令旌

李秉均妻楊氏夫歿守節養姑育幼無憾

葉炳星妻邢氏二十寡事兩世孀姑撫子入庠
劉國傑妻方氏年二十六寡守節三十二年
張嵩年妻郭氏十九夫亡孝親撫嗣守節終身
黃仁妻王氏夫亡事親撫孤守節三十三年
郭一鶴妻董氏二十二寡績紡養姑撫姪成宗
孫應辰妻楊氏夫亡親老子幼堅志守節
李永興妻周氏年十九守節養親撫孤三十二年
石琚妻葛氏十八夫亡撫三月孤守節
孫鍾英妻李氏事孀姑撫幼子守節三十二年
郭景泰妻張氏夫亡事翁姑撫孤有成
監生溫爾圻妻李氏養姑撫孤守節至老

劉詢妻周氏二十二夫歿撫孤守節

監生王先登妻商氏十八寡無子事姑守節

霍俊妻喬氏俊歿二子俱幼家貧績紡守節

錢考祥妻張氏早寡事孀姑撫子入庠學使旌

魏繼璽妻李氏無子撫姪守節邑令旌

董朝奎妻郭氏于歸三載夫歿請姑立嗣既葬奠墓三

日抱夫遺書焚之是夕自縊死邑令旌

周尚斌妻黎氏十九寡無子翁姑老矢志奉養

蘇克讓妻張氏二十一寡撫遺腹邑令旌

范安曾妻張氏夫亡事親撫孤守節三十三年

曹持妻劉氏夫亡孝事翁姑守節三十二年

諸生張敬臣妻沈氏夫故無子立嗣守節

李松齡妻王氏二十寡苦節三十二年

趙廷銓妻呂氏夫故二子及叔皆幼守節撫養

李檀質妻潘氏夫亡無子苦節三十二年

張永壽妻王氏年十六寡孝翁姑守節蒙旌

蕭鳳妻張氏撫孤守節三十二年

李耀太妻梁氏二十一寡養老撫幼守節三十二年

郭一士妻馬氏二十二寡守節五十年

張賢行妻李氏十九夫亡撫嗣守節邑令旌

翟大道妻李氏夫亡撫孤守節三十二年

石天爵妻裴氏早寡撫遺孤守節三十二年

曾魯會妻董氏夫亡撫孤守節三十二年

魏永貴妻馬氏十九寡事姑撫幼守節三十一年

張錦妻孫氏十九夫亡撫孤守節三十二年

郭俊妻陳氏二十二守節翁姑俱歿育幼叔成立

楊從智妻張氏十八守節撫遺腹成立

楊夢熊妻董氏十七夫亡無子奉親守節四十年

于禮妻林氏二十夫亡撫孤守節三十二年

監生石鈺繼妻張氏二十夫亡事姑守節

張夢麟妻張氏二十夫亡事老撫幼稱完節

尚廷惠妻高氏二十二寡事姑撫孤守節三十一年

孫鉢妻楊氏十八夫亡無子立嗣

王憲德妻王氏二十夫亡無子撫女守節學使旌
董爾相妻竇氏夫歿忍死撫孤邑令匾旌

蕭登賢妻呂氏十八夫亡撫孤守節三十年

張元禮妻張氏二十夫亡撫孤守節三十一年

陳廷獻妻張氏夫故斃斃無依苦節三十年

韓性成妻梁氏十九夫亡撫孤守節

庠生張燦妻李氏早寡矢志歷節三十一年嗣姪培源

既娶源死媳王氏事孝撫孤有成邑令旌

廩生王黉繼妻屠氏夫亡守節撫孤成立

董悅心妻秦氏十八寡孝姑姑歿叔幼撫成立

魏宜良妻安氏夫亡守節三十一年

監生董金壽妻孟氏二十二寡撫孤守節
王建府妻申氏十九夫亡守節三十一年
李相洛妻葉氏夫亡家極貧事親育孤八庠
宋良魁妻楊氏夫亡守節三十一年
高于凌妻唐氏二十一守寡事姑撫嗣歷三十一年
王拱妻何氏撫孤守節三十一年
權爾倫妻劉氏夫故年二十一事親撫孤守節
朱純妻孫氏二十一夫亡守節三十一年
張其謙妻高氏十九寡撫子守節艱難備嘗
韓國用妻魏氏夫亡守節三十二年
岳鍾璉妻李氏年二十二夫亡立嗣守節

王顯武妻曹氏夫亡無子守節邑令旌

楊文魁妻崔氏夫亡一子失明甘貧守節

李九奏妻姚氏夫亡撫孤學使旌

貢生李良璧妻李氏撫三月孤守節邑令旌

朱文斗妻袁氏夫亡無子奉翁守節

李世顯妻賀氏夫故遺孤彌月忍死守節

岳惟詔妻李氏十九夫死撫嗣守節

牛養麟妻董氏夫亡與妾張矢志撫嗣稱雙節

張其右妻李氏夫亡事舅姑撫三子成立

王秉義妻王氏年二十寡無子食貧事姑值歲荒得食

一奉病姑氏竟餓死鄉里義之具棺殮邑令表閭

貢生甯存仁繼妻潘氏夫亡撫孤守節

張撫妻殷氏翁病氏割股肉奉翁病旋愈

劉廷望妻趙氏夫亡家貧孝舅姑教子入國學

尤廷輔妻何氏夫亡養舅姑撫幼守節

袁昌裔妻張氏十八夫歿子一歲事舅姑稱孝

李朝輔妻宮氏夫亡姑瞽子幼矢志靡他

劉世寶妻李氏年二十寡或以無子諷氏曰姑老矣敢

有他志耶遂立嗣守節

沈如楷妻李氏夫亡撫孤守節

朱天福妻陳氏夫亡事孀姑撫孤子守節終身

張彭齡妻馬氏夫亡撫姪守節

任克已妻張氏年十八寡事老撫幼守節以終

黃通妻王氏十七于歸未期夫歿撫遺腹守節

監生袁昌譜妻郝氏十七夫亡無子守節

董文炳妻王氏夫亡守節

庠生郭珍妻王氏夫故無出撫孀室二幼子守節

王嗣妻牛氏十八夫亡苦節二十七年

袁鎬妻郭氏十八夫亡無子事老親守節

尤世重妻王氏夫亡撫孤守節

劉光先繼妻趙氏十九夫亡守節

張懷璧妻魯氏夫亡守節

監生張兆齡妻王氏十七寡無子守節蒙旌

鼎文元妻秦氏十九夫亡事老姑撫嗣守節
李永燦妻姬氏夫亡無子苦志守節

孫雲從妻宮氏夫故立嗣及葬痛哭嘔血而絕

魏景明妻賀氏忍死撫孤守節成志

袁名麒妻谷氏夫故撫遺腹子以食貧守節

董大智妻高氏夫亡孝舅姑撫二子成立

潘宏勳妻齊氏姑病剗股肉愈之郡守張旌門

焦錦妻黃氏家極貧姑病割股肉和藥得痊

蔡世魁妻劉氏十九寡矢志養老撫孤邑令旌

梁心智妻傅氏二十三夫故撫孤守節

溫紹武妻方氏十九夫亡無子矢志養親守節

史守建妻郭氏夫亡撫遺孤守節

黃克孟妻呂氏為黃養媳年十五未婚姑以胃痛叫號

七晝夜氏割股肉和藥以進姑立瘥邑令旌之

李金式妻田氏早寡矢志撫嗣邑令旌

楊崑生妻趙氏夫歿矢志守節至老

何永昌妻李氏十九夫亡矢志守節

蘇景新妻于氏夫亡家貧撫孤守節

耿王訓妻王氏二十一夫故無子矢志守節

郭傑妻范氏姑病割膊肉愈姑令旌之

魏繼珍妻梁氏拒暴不辱自縊乾隆八年旌

胡三元妻楊氏割股療姑病

王鳳楚妻馮氏姑病到膊肉煎藥病愈邑令旌

姚琚妻蔡氏年十七琚故奉舅姑撫孤守節

許珮妻李氏夫卒誓從地下刎頸柩前姑驚救醫治得

不死姑病復到股肉和藥病旋愈以節孝終

全坤妻韓氏夫亡守節姑病到肉奉之愈邑令旌

胡勢妻張氏無子女苦節事親守節

王氏女張白驢聘妻三歲養于張未成婚而白驢出外

氏依孀姑姑病割股愈之或勸其改適不應堅志如

初

金坦然妻李氏二十三寡無子撫姪守節孝翁姑

范某妻李氏二十三夫亡撫孤事姑歷五十六年

孫義妻吳氏夫亡夫弟將逼之改適氏縊牀柱死邑令龔崧林有傳

王獻圭妻許氏姑病割股肉療之病立瘥旌

李大受妻郭氏二十三夫故遺一女無子孝翁姑守節

三十七年

王璉妻李氏十九夫故撫三月孤紡織養翁姑守節三

十五年

王儀妻楊氏十八夫亡孝翁姑甘貧守節四十一年

方得安妻楊氏十九夫亡事親撫孤守節三十五年

董玉模妻丁氏夫故孝翁姑撫幼女立嗣守節

董澂妻黃氏二十夫亡無子孝翁姑甘貧守節

董九州妻陳氏十八夫亡奉親立嗣苦節六十二年

丁德睿妻徐氏二十一夫歿孝翁姑撫孤守節五十六

年

苗仲行妻孫氏二十夫故孝翁姑歷節三十五年

孫瑜妻李氏十八瑜故以姪嗣紡織奉翁姑苦節四十

三年

范震妻段氏二十一夫亡子甫匝月家貧孝翁姑撫子

成立守節至老

范洪保妻董氏二十夫故遺一女孝孀姑守節四十四

年

廩生吳升妻任氏夫故事姑教子元銘入庠

梁九鶴妻范氏十六于歸甫三月鶴亡家貧紡績孝姑
守節三十三年

金永貞妻賈氏二十夫亡乏嗣撫姪養親守節四十餘
年

倪肇本妻趙氏年十九夫亡守節乾隆十二年 旌

郭瑀妻高氏夫歿氏年二十乾隆十二年 旌

甯恕行妻張氏夫亡守節三十餘年

王永祿妻張氏夫亡甘貧守節

石建妻張氏夫亡守節以上三張氏姊妹同志

廖唐臣妻朱氏青年守節十三年 旌

閻耀妻王氏青年守節十四年十三年 旌

呂行正妻寇氏二十一夫歿守節十四年旌

郭閏妻董氏拒暴自縊十六年旌

范文魁妻崔氏二十三守節十八年旌

王敏修妻張氏十八夫歿守節十九年旌

許玉有妻胡氏拒暴自縊十九年旌

孫簡臣妻張氏夫亡守節六十年十九年旌

晉二舉妻邢氏拒暴自縊十九年旌

趙富聘妻孫氏女幼字富富故痛哭歸姑家堅志守節

二十四年旌

郝禮招妻曹氏

胡瑜妻張氏

潘輝曾妻温氏以上三人夫亡守節二十九年同旌

羅士敏妻耿氏夫歿守節三十五年旌

王篤妻劉氏

侯振魁女以上二人皆拒暴自縊三十五年同旌

鄭天緒妻孫氏拒暴自縊三十六年旌

賈長庚妻鄭氏

趙德妻張氏

宋良士妻楊氏

黃永妻吳氏以上四人皆夫亡苦節三十八年同旌

董彬繼妻李氏夫歿殉節三十九年旌

李思議妻李氏夫亡孝孀姑撫子成立守節

喬作聖妻楊氏夫亡事親撫孤甘貧守節

吳永壽妻齊氏夫亡孝孀姑撫孤堅志守節

符應辰妻苗氏二十夫歿立嗣守節

孫永正妻尚氏二十三夫故養翁姑撫二子守節六十

四年

李兆祥妻張氏夫歿撫二子成立苦節五十五年

李成妻孫氏二十夫亡撫孤守節

張志信妻商氏夫亡家貧寄居母家撫孤子瑜守節

庠生張金河繼妻章氏十八于歸結褵半載夫歿越四

日從容自經

監生山仁妻劉氏二十一寡事親撫孤守節五十一年

山如恒妻宮氏十八夫亡堅志事姑撫子守節

吳曰寬妻王氏夫亡越七日遂絕飲食死

張朝士妻劉氏二十一夫亡孝舅姑立嗣守節

潘琳妻何氏十八夫亡立嗣守節五十七年

張如載妻王氏二十夫亡事親教子守節三十五年

李三經妻張氏二十一夫故孝翁姑立嗣守節三十六

年

溫顯祖妻徐氏二十夫亡堅志守節翁憐其幼欲令改

適遂自縊

葉墜林妻阮氏二十五夫亡撫女守節三十一年

張越妻章氏二十一夫亡自縊以殉

胡珍妻韓氏二十五夫故孝翁姑撫孤成立守節六十年

李性生妻田氏二十守節事翁姑撫嗣子乾隆四十一年

年旌

周逢庚妻梅氏夫歿投繯殉節四十一年旌

霍文鳳聘妻王氏許字文鳳未及歸而文鳳死氏堅志

守貞舅姑為立嗣以老四十一年旌

鄧國璉妻鄭氏夫亡孝孀姑撫二子甘貧守節

崔懷周妻李氏十九夫亡撫孤興成立苦節四十一年

崔尚勇妻李氏二十三夫故墜心守節孝親撫孤歷四

十一年

崔尚雅妻李氏二十夫故孝翁姑撫幼子守節四十年
王舉妻李氏青年寡孝姑姪百歲為嗣娶白氏未幾百
歲亦卒白年二十一姑媳同心矢志

監生董重翰妻郭氏二十二孀孝親撫孤苦節四十六
年

董之鑄妻傅氏二十三夫歿撫孤守節三十三年
董之鎰妻劉氏二十夫歿無子絕食死

州同張興業妻王氏二十寡撫孤麟書娶董氏越兩載
書又亡與姑同心守志

生員趙羣炎繼妻鄭氏青年夫歿孝舅姑立嗣守節三
十六年

張捷妻劉氏夫故紡織奉姑守節四十八年

李生梅妻陶氏二十三撫孤守節

盧嘉社妻郭氏夫故撫三子成立苦節四十七年

董士勉妻麻氏十九夫亡取姪模為嗣娶盧氏模又亡

復撫孫盧亦守節如姑

郭特繼妻李氏十九守節姑病癱以孝稱

任恭妻梁氏十九寡撫遺腹苦節七十餘年

楊翰邦妻劉氏幼養夫家未合鬻夫亡氏年十五矢志

守節夫兄憐而立嗣有司旌之

陳讚妻莫氏二十二寡撫孤守節七十餘年見曾元卒

郭壬辛妻邢氏二十夫亡孝舅姑取姪麟標為嗣苦節

四十七年

司馬敬妻何氏十九夫亡撫嗣成立守節五十年郡伯

王匾旌

金萬福妻高氏二十五夫故守節

李中行妻金氏十九夫故守節

閻朝佐妻朱氏夫亡撫週歲孤守節三十七年

邢素位妻曹氏夫故教子守節

劉璵妻錢氏二十二夫亡撫孤成立守節四十年

生員李龍書妻方氏青年夫亡撫嗣守節

李蓉妻潘氏青年夫亡撫三月孤甘貧守節

郭鴻儒妻董氏十七夫亡撫姪守節六十五年

許燧珍妻楊氏青年寡撫孤成立以節終

張凌霞妻李氏夫亡孝翁姑守節三十四年

周明妻鄧氏十九夫亡孝姑守節

段護蘭妻周氏十七歸段夫亡繼姑欲其改嫁氏不從

待之益虐年二十四忽整衣瞑目而逝蓋潛不飲食者已十餘日矣

胡永發妻周氏青年夫亡守節四十餘年

王起麟妻劉氏二十三夫亡撫遺腹成立守節四十年

王克基妻段氏二十二夫故無子守節十年翁姑憐其

貧苦將嫁之氏聞即自縊

楊鵬霄妻穆氏二十四夫歿撫孤成立守節五十年

郭人文妻馬氏十八夫亡撫嗣守節

庠生周景濂妻郭氏夫卒視含殮畢投繯死

葉行遠妻潘氏夫亡守節邑令旌

監生董克明妻李氏十九夫亡子孀遂絕食死

梁文耀妻沈氏夫故孝孀姑守節四十年

李松妻劉氏青年夫亡守節三十五年

龐天瑞妻王氏十七夫亡矢志守節紡績養親

庠生甯瑗妻邢氏十八夫故孝翁姑守節

監生杜甲裁妻鄭氏夫亡守節四十七年

王超祖妻蕭氏夫亡守節

袁昌德妻張氏二十寡撫姪辛輔食餽守節

王汝科妻袁氏十七夫亡撫孤守節

董道心妻姜氏夫亡守節五十餘年

董敬心妻宋氏青年夫故守節

杜雙燕妻王氏青年夫歿撫妻子成立

武希堯妻董氏夫亡以苦節終

監生董天德妻甯氏夫歿遺孤殤撫嗣守節

董自新妻許氏夫亡守節

王文彪妻王氏青年守節家貧紡績奉養翁姑

鄧瑞珩妻田氏夫歿堅志守節

姚煜妻李氏二十四寡撫孫入庠守節七十年

李可賢妻張氏夫亡守節四十餘年

監生姚良相妻黃氏二十夫亡撫遺腹守節五十五年
姚瑛妻張氏二十二寡事親撫孤守節五十六年
馬如駙妻王氏十九夫故撫遺孤成立
姚士敏妻徐氏十七夫故守節五十六年
許敬妻黃氏夫亡守節四十年
主簿黃文燧妻董氏孝翁姑撫孤成立
郭廷玉妻趙氏十八夫歿孝翁守節
胡琰妻令狐氏十九夫亡守節三十五年郡守匾旌
魏宗禹妻聶氏夫亡孝姑守節三十年
郭孝女進士世奇女隨父化州任父病篤女年十三割
股肉以進人稱其孝

殷化家妻劉氏割股和藥姑病即愈

董文聲妻何氏青年夫歿紡績撫孤

王懷濱妻董氏二十寡撫孤守節六十五年

董士鑑妻楊氏青年夫故孝親撫孤

李忠貞妻魏氏青年夫亡撫孤守節

董法言妻魏氏夫亡守節四十三年

李如枝妻李氏青年夫亡守節三十年

魏宏禮妻范氏十九夫歿撫嗣守節

金月新妻李氏十九寡孝翁姑守節

李興俊妻董氏弟興敏妻董氏與國妻苗氏皆以青年

夫亡同心矢志稱一門三節

范徵福妻姚氏十六夫亡撫嗣守節三十八年
關全妻張氏二十一寡孝翁姑守節四十三年
陳起祿妻牛氏二十一夫亡立志守節
李國弼妻金氏二十夫亡苦志守節三十二年
李繼聖妻張氏二十夫歿守節
王金鰲妻陶氏十九夫故孝翁姑撫嗣守節
宋景儒妻賈氏二十寡姑老子幼甘貧守節
王命輔妻安氏夫亡守節
王思義妻楊氏夫亡以苦節終
李保兒妻牛氏以下悉本舊志

孟先登覆枝季錫爵枝對

洛陽縣志卷五十七

洛陽縣知事曾炳章重印

舉

人陸繼輅

同纂

清

洛陽縣知縣魏

襄

列女傳二

貢生董重光妻呂氏新安尚書忠節公元孫女也初嫻
姆訓于歸後奉孀姑以孝稱夫卒無子以姪為嗣嚴
而有恩尤識大體于乾隆三十四年捐田七十畝為
先祠祭田兼做范文正公義田遺意以其餘濟族之
貧者其族長有騏為文記其事立石家祠前他如施
權施粥善行尤多乾隆三十九年旌
楊楷齡妻張氏夫歿二十苦節五十三年乾隆四十有

八年 旌

程繼宗妻左氏夫亡年十九苦心自勵矢節三十七年

四十九年 旌

孟企魯妻許氏少能事其繼母寡時年二十一奉養舅

姑克盡孝敬撫二子世泰世德成立五十年 旌

廩生李本澍妻王氏年二十一而寡子大興甫彌月氏

亮白自持仰事俯育孝慈兼盡五十三年 旌

李猷有妻黃氏十八歸猷有而孀姑在堂執婦道勿懈

生子舉甫晬稱未亡人下撫藐孤仰奉甘旨五十三

年 旌

李秉靈妻劉氏十七于歸二期而夫殞家本赤貧舅姑

以思子鬻成疾氏調護勤勞如是者十八載丁喪無
殮具氏勉力勸事門祚衰薄乃擇從姪法禹為副令
就外傳督責不少懈紡績每至雞鳴五十四年旌
劉君榮妻趙氏年二十而君榮殂孀居四十一年克完
亮白五十四年旌

呂純妻衛氏年二十而寡貞操益固矢志三十三年五
十四年旌

黃霖妻劉氏七歲問名以孤弱就養于夫氏霖目瞽復
別有癘疾姑憐而欲嫁之氏堅不從合卺三月而霖
死年甫十六之死矢靡他奉重闈以孝嗣子來順五
十五年旌

賈璜妻張氏璜歿氏年十八亮節堅貞歷五十五年有
司申請 旌表

劉汝翼妻楊氏少事後母婉順汝翼之世母寡而無依
氏奉養均于姑汝翼殞家無擔石世母欲分爨氏勉
相留體無完衣而二母安之既遭兩喪卒能與二父
合窆北穴皆其力也五十六年 旌

郭又庚妻陳氏本農家女然端謹如夙嫻女誠者年十
六于歸善事孀姑貧無立錫地門內雍雍如也會氏
奔祖母喪于蒿又庚以暴疾卒氏遂奉其姑歸母家
晝夜績日食僅豆少許水一甌而已氏既勤苦勞傷
而無所怨一夕侍姑既寢覺體少倦倚土爐而坐及

明姑視之已死驚哭鄰人皆入見氏以左手支頤若坐化然自後其家徃徃聞鬼哭聲蓋以姑在魂猶戀之也

黃億妻吳氏早孀事病姑衣不解帶者累月嗣子亡復擇嗣孫皆秉母教少姑生小叔均恩並鞠人益賢之黃來朝妻潘氏年二十而寡奉舅姑以孝其姑嘗病失

明艱于藥餌氏剗臂以禱姑目如初

崔爾朝妻董氏年二十而夫亡孀姑老而子方在抱家徒四壁紡織以奉養艱苦備嘗

李宗文妻司氏宗文貧無立錐地賃居傭工氏則為人織絰或澣濯之役受其直以佐餐未幾文宗客死南

陽僅遺二女氏肩戶哭若將引決者親故感而資之
乃使人走千餘里迎棧以歸依于族之婦嫂會歲大
浸氏罔所得食或數日仰屋卧或勸改適力絕之及
卒人憐其苦節爭賻以殮焉

儒童賈穆妻董氏故封邱訓導萬嵩女其後姑性素嚴
氏獨順承之無所忤且規其夫終得母歡心及穆亡
而姑亦繼卒待二妹尤篤至咸厚嫁之撫孤至成人
司馬良妻孫氏十九歲而孀遺孤甫三月事舅姑以鞠
其子苦節數十年

馮玉妻白氏玉嗣叔後氏孀年二十二遺孤留德甫二
齡留德長使出傭于人乃得值葬其嗣祖

韓和中妻潘氏和中病氏奉事三年無倦色卒之日氏剪髮毀容無生理夙為祖姑鍾愛則慰之曰爾誠烈且乏息然我老獨不能少緩須臾留事我乎氏乃勉用苟活佐餒無違迨後連遭大喪氏曰吾所以偷生視息止以重闈在耳今已矣遂病不服藥而卒嗣子呈書

孫秉特妻郭氏秉特即世氏號慟不欲生或勸以孀姑待事感其言而止會洛中薦饑氏三旬九食艱苦倍至隣媪有諷以意者氏怒絕之終身不與齒姑婦相依為命門內無間言

曹思義繼妻曾氏于歸歲五月而思義亡氏哀毀骨立

既葬則請于舅姑曰二老無以失子過悲有婦在如
子存也或以其無子諷改適氏正色斥之其人愧而
去

儒童楊一桐妻馬氏事舅姑孝喪葬盡誠夫亡無強近
之親煢煢獨立撫子麟生以長貞操彌堅

儒童楊天賜妻馬氏天賜物故柏舟自矢家貧姑復老
而多病日奉藥不離及歿營葬如禮以姪檢為嗣焉
儒童林夢熊妻楊氏于歸三月而夫亡事姑和婉侍病
未嘗少懈姑卒不勝哀及後悼泣不絕零丁紡績以
生

董童潤妻李氏姑有疾氏食不下咽事後姑亦如之人

稱其孝

孫恒有妻李氏年二十七而寡家無恒產撫孤艱辛舅姑亡貧不能殮人咸匍匐救之常閉戶績至勞瘁邑令李旌其門

儒童喬應選妻李氏早寡生一女而殤常曰老親在不
敢遽從泉下也姑疾氏左右之五年無怠色及姑死
哭幾絕哀毀甚亦不逾年而亡

府學生甯承宗妻史氏早寡室有三女紡績以自給及
女出適惟子然一身清操益厲

馬永通妻魏氏年二十而娶子慎方在襁事孀姑勤苦
脩嘗慎長娶婦俄而悼亡繼婚郭氏三載而慎歿郭

亦克紹冰操撫前子士元恩勤不懈人不知為後母也

盧景福妻王氏景福亡氏事姑惟謹曰若稍有不誠則有負于泉下人矣以諸子魁科嗣

邢奎妻李氏普安知縣學峻女孀年二十孝事其姑及丁姑喪既定忽一日顏色慘異潛然出涕曰未亡人所以不即相從地下者徒以老姑在耳今吾可以死矣遂自經

曾魯會妻董氏魯會易簣時父母並已八旬氏養生送死無憾遺孤文魁長又不祿氏復撫其孫成人

鄭萬選妻李氏事祖姑以孝聞娶居孤甫五齡零丁孤

苦恃紡績為生計

葉雲高妻苗氏孀時孤生甫三日之死不感孤卒至成
立

李掌璞妻吳氏生子菟而夫亡能事姑以孝菟又卒婦
陳氏克承前美兩世之孀閨門雍穆學使劉旌其門
黃聚星妻李氏觀察燕之女孝事其姑既而夫亡誓以
身殉以子弱無依勉留撫之及孤甫晬而殤氏由是
得疾死

郭國楨妻李氏孟津進士官青縣令甲第次女也孀居
善事舅姑以姪班嗣氏撫之如出腹子歸甯侍其生
母疾尤以孝聞

盧榮科妻吉氏年十九娶撫姪如月于襁褓中以為嗣
有疾則終夜抱之不寐曰吾何依所依者是兒也卒
成立能事其母焉

劉法曾妻趙氏法曾亡而子方幼氏貧甚以績絰自資
備歷艱苦撫之成人

吳銳妻劉氏銳亡僅遺弱女氏善事其舅姑以諸子富
貴為後撫鞠不異所生

鈕福妻陳氏遺孤在腹夫亡十四日而生遂名大喜時
舅姑俱耄老奉養不衰迄營喪葬悉能以禮

劉漪妻杜氏嵩縣監生希賢女歸漪一載而孀遺腹子
生遂慨然以仰事俯育為己任家貧日夜績以奉養

窮病刺指以禱姑又疾亟以醫言乃剪髮焚灰和藥以進及喪葬皆氏績所餘電勉為之

韓九錫妻申氏九錫卒氏事其翁媪就養無方撫二子成立

何國棟妻孫氏出適三歲而孀以姪世俊為嗣尋復早逝氏所遭益困姑慰之曰爾事我數十年慎勿以此捐生也及姑亡傷慟幾絕聞者憫之

儒童婁永祚妻史氏夫喪無子其母甯氏以節行聞氏則幼秉母教亮白自固逮事重闈奉養惟謹姑亡遺少子在抱氏撫之恩勤及長而生子百合卒以為嗣焉

監生孫印妻蕭氏年二十二而孀痛欲捐生既以舅姑
勉諭乃止撫姪同文為子嚴而有恩其事親怡怡色
養性寬厚凡乞貸者無不稱情而施又善居積豐而
能約人益賢之

監生殷盤銘妻孫氏孀居事舅姑病不解衣撫嗣子讓
家

李文學妻陳氏于歸三載而夫亡赤貧乏嗣息姑老且
病氏以績所入勉置方劑後姑喪無歲氏寧菜食卒
殯之

凌學禹妻李氏學禹暴卒子雲翼年甫十齡而暴貧氏
勉成夫志勤勞倍至苦節數十年

孫躋瀛妻劉氏寡而無子曰夜績以奉二親不衰
李宗朱妻潘氏早孀姑以哭子喪明氏感念存歿凡母
起居悉氏扶抱姑年九十稱觴母告客曰自吾兒即
世非婦之純孝焉能延殘喘至今日乎願來生吾更
為婦以報之善持門戶負郭田僅給饘粥氏度支出
入雖頻遭凶歉而養未嘗缺于供
王存禮妻高氏邱爾銘妻喬氏李學孟妻邱氏俱青年
早寡苦節彌貞

縣學生甯瑗妻邢氏瑗物故氏哀痛欲絕舅姑再三慰
之乃泣受命及舅姑歿以從子書為嗣更勉為二人
卜葬嘗課子讀書撫而泣曰爾父十四為諸生有文

名汝雖穉能不自勉也

郭崑妻楊氏姑老定省周懈孀年二十三子弱小織以食堅貞不渝

縣學生邢鑾妻李氏夫亡遺孤甫三齡侍姑病寢不安枕迨喪葬勞瘁過甚飲食俱廢數日而卒諸姑伯姊莫不悼傷

曹世興妻孫氏夫亡遺藐孤氏苦無依日夜績備歷艱辛子卒成立

邢鏊妻呂氏早孀事姑以孝里黨稱之姑喪營葬畢俄卒

儒童吳玉樹妻袁氏刑部郎中向之女孀居無子貧無

所依恃績以食奉養舅姑二十餘年喪葬盡禮以姪石莊為嗣

縣學生鄭特選妻曹氏孀三載而喪偶舅姑老而貧氏以織供白華之養迨及喪殮必盡其誠里人稱其孝焉

韓錠妻馮氏貧事舅姑恪謹夫亡撫其遺孤無期功之親紡績以教子始卜兆殯數棺

李遇寅妻王氏孟津人年十九歸遇寅俄寡氏念舅姑老勉延視息遇寅弟遇禮之妻郭氏結褵甫四十日而遇禮亦亡姊如同心以柏舟有誓姑疾溲溺悉更番扶挾舅復病左右就養無違形神並瘁嘗篝燈操

作機杼之聲相聞後丁喪勉勩大事卒得安窆又以
宗祧各撫嗣子鞠育維均

劉宏儒妻王氏孀而遺孤在懷姑又多疾氏事育辛勤
嘗督其子讀書書聲與紡車聲相聞也志節老而彌
貞

王玉瑚妻郭氏監生家駸女也幼嫻女訓夫歿以姪某
立為嗣葬之日臨窆而拜曰九泉有知盍少待同穴
人乎歸與舅姑訣將下報黃泉遂絕粒死氏時年二
十五

高文選妻司馬氏夫喪三月而生子高發時舅姑在堂
氏勤績以養撫孤成立

儒童張廷齡妻閻氏于歸未踰月而夫亡以從姪邦柱為嗣性嚴毅舅病侍湯藥五年終不懈撫育恩勤鄉閭感其孝慈聞于學使旌其門及抱曾孫人以為苦行所致

王澤沛妻來氏早孀性柔順以孝聞撫其嗣子以慈其殯二親皆氏所營治人咸稱之

儒童張簿妻王氏監生錫女孀居事姑及後姑以孝及卒力營喪葬以姪紹曾為嗣撫之有恩迨孫曾滿前咸奉德範學使者題字以旌

監生郭嶺妻張氏太學生雄峙女幼習女訓知書十七出適越二年而寡悲咽幾不欲生以舅姑在未忍決

嘗作詩自明其意有夜靜孤月白流輝照雙親之句
姑病氏親嘗藥衣不解帶以從姪淑涵嗣愛如所生
儒童邢文超妻任氏諸生天敬女善事尊長夫亡下無
遺離以姑在苟活家計寥落至于斷爨氏篝燈績資
以為養姑喪營葬三年之內未嘗見齒

儒童董洲妻程氏永寧監生邦馮女事舅姑執婦道夫
病益篤氏亦憂成疾食不下咽嘗剗股和藥既而夫
卒時氏年二十四悲泣愈不復進食未幾亦卒

郡學生張鳴妻趙氏諸生梧炎女能事二人寡時矢志
靡他翁姥繼亡氏典衣營葬撫嗣子泰順

儒童郭振家妻張氏監生攀桂女事姑至孝委曲承歡

姑卒氏哀痛幾于傷生夫亡子書田尚幼氏以長以教方之斷機

沈廷相妻杜氏善事舅姑夫亡子盡忠方五齡家貧資紡績以食撫之成人

无良會妻郗氏夫亡侍舅姑疾及殯殮勞瘁備至子雄飛甫時而撫之遇荒歎至三日不食苦心蓋自勵云張遐齡妻郭氏舉人錢鎮女適遐齡生二女而寡二女旋孀舅疾甚氏剝股作羹以進舅疾以瘳

王家館妻郭氏監生鳴鳳女年二十二夫亡事八旬祖姑服勞不倦

李蔭淇妻楊氏父應斗氏少從父讀書畧皆上口能為

筆札蔭淇雖素族而朴訥不知書氏不以為嫌及寡
之息田廬盡亡氏織以供甘旨

張學正妻董氏二十四而孀明大義念舅姑老乃不亟
自立後而勸舅更擇嗣子以娛暮年後叔有子卒以
其子子之

呂維乾妻王氏夫亡姑老而病門衰卒無與可為後者
郭持繼妻李氏持亡撫姪偉為子十年不出戶髮垂白
跬步必謹如初

呂世卿妻張氏夫亡而貧族無與為嗣者乃撫親同姓
之子百合為嗣有田一畝以奉祖祠而寧自食其力
監生郭篤敬妻劉氏陝州學正大觀女篤敬弱冠即世

氏痛幾絕念舅姑老茹藥自甘後以姪兆成為嗣
監生董淞妻王氏州同天澤女寡兩家貧初喪水漿不
入口者三日及後紡績以食卒撫其孤
閻星拱妻韓氏二十而寡事舅姑有禮撫嗣子有恩筦
持家政雖丈夫有不逮
郭念祖妻孫氏夫婦相歡得及寡初無躄踊但忽忽神
傷越歲姑亡之百日進饌靈幃長哀泣血其夜二鼓
自經人救之已無及
張鴻業妻郭氏鴻業客死于外氏遺腹生子志節不移
張學賢妻呂氏年二十三而寡二親老而孤弱勤苦自
持

宋九敏妻王氏寡年二十一有志行善事其姑能教子
學使旌其閭

李遇履妻郭氏監生寵女于歸時遇履已貞疾甫入門
即手奉藥鏹四十日而遂寡其嫂王氏亦孀居雖妯
娒而情若姊妹共誓之死無他姑體不仁十七年二
婦事之終不懈

孫克儉妻郭氏寡而子鈞方幼兄公有遺子鈞亦甫三
齡氏撫之如一人以為同母不知其本從兄弟也鈞
補諸生當事者表其義行

張居南妻劉氏事後姑病以孝聞夫歿遺三孤並幼耕
織維以為生伯仲二子繼夫婦郭氏楊氏亦以志節

顯

張氏字闕思而未出適思暴亡氏年十七誓一醮之義
竟之其家拜舅姑舅姑且痛且喜視之如女焉又十
七年而氏死舅故宗乃更擇嗣孫

岳帝臣妻郭氏夫亡而祖姑與姑猶在堂民事之惟謹
以諸子鈿為嗣及後氏竟營葬七喪人蓋以為難
王欽妻馬氏早寡撫遺腹子明堂紡績以養及侍姑疾
氏消摩丸藥日奉刀圭十年如一日

劉氏河北鎮標右營守備牛應元後妻也御下有體以
不及事先窮先姑為恨每祭未嘗不豐潔而以誠意
將之雍正九年西藏之役應元以武畧從征戰没于

兵觀歸氏力營喪葬家貧紡績不異寒室撫孤卒能
成立年七十有八乃終

監生郭宗孔妻司馬氏年二十二夫亡以姪敏承嗣善
事舅姑及後曾元統膝蓋五世一堂皆以為氏苦節
之食報云

蕭振妻子氏早寡遺二子世俊士俊且有垂白親乃矢
志柏舟鄉黨稱慈孝焉

鄭大壯妻任氏夫亡遺孤僅毀齒氏紡績以食子竟成
立事舅姑以孝苦節數十年

宋良健妻馬氏幼為兄嫂所撫年十九而出適有老姑
子穩成甫悴而夫亡氏事親撫孤且每力行濟人事

以竟夫未竟之志逾十稔不衰

宋漢成妻趙氏生子大舉甫五齡而孀日紡績奉姑維
謹姑疾侍湯藥衣不解帶數月大舉成童夫殞氏益
無依室如懸磬及既耄老乃始以從孫為後殆苦節
之尤無告者

太學生王天錫妻郭氏夫亡遺二子家賓國賓皆撫之
以長後子婦繼殞孤苦零丁志益堅苦

郭洪治妻王氏性好周恤不惜典衣質劑以拯困乏尊
師重道子孫有聲庠予聞

郭崇妻李氏年二十二而孀性柔順姑病數年衣不解
帶事後姑亦如之奉養衰翁尤謹以猶子竹林為嗣

矢節五十年及歿內嫻皆為流涕

儒童劉鴻榮妻康氏年二十七夫亡僅一女在抱念舅
姑老叔穉小無可勝奉養者遂誓以守夜勤紡績撫
嗣子成人事舅姑盡禮志不少懈苦節數十年
張禮珩妻馮氏年十八于歸未幾而寡遺一子大學尚
幼事親養生送死無憾戚黨莫不稱之子復夭亡乃
取從孫國柱為嗣彌著恩勤

葉自榮妻孫氏性孝謹門內無間言結禱三載而夫亡
哀毀悲啼聞者酸鼻以親老矢志靡它擇族子茂為
嗣苦節四十餘年

孫潮妻姚氏夫亡遺孤同善方晬事舅姑至孝疾侍湯

藥不怠教子以義方矢節四十三年以終

高舉妻殷氏夫亡氏績以供事育舅姑有疾典衣市藥奉侍不懈及後子亡與寡媳劉氏撫孤孫天德三世零丁氏竟享大耋

龐二元妻王氏年十七而寡父母憐其窮欲諷改適氏遂數十年不復歸寧事舅姑孝有餽遺必敬進之姑有疾氏日夜不離其側居喪盡哀鄰里賢之

梁起龍妻段氏夫亡困苦備嘗舅姑憐其少欲奪其志氏毀容以示永畢之義卒事舅姑以孝聞有嗣子不廢先祀克享大年

朱容瑞妻張氏夫亡以姪為嗣孝于公姥紡織以供甘

旨數十年飲冰茹蘖堅操不渝

鄧氏韓太正妻年十九而夫物故遺孤世奇甫生六月氏奉事重闈曲盡孝敬課子讀書甚嚴以故世奇補縣學生後氏以繼丁大喪哀毀過遘疾卒不及中壽宗嫗憫焉

孫炤妻李氏年二十二而夫亡氏誓絕粒捐生舅姑諭以親老孤幼乃勉存視息紡績以佐養擇師教子卒成人

李怡妻楊氏年二十一寡居奉舅姑必腆而麤糲自咽先意承歡家貧縮衣食以教其子葬其先氏康強老壽閭里稱之

羅某妻郭氏夫亡事親撫孤薄田不給體粥氏捃拾織
紝以自資養未嘗缺孤卒成人

龐道生妻王氏年二十四家無膏斗儲痛失所天以宅
兆未安勉延眠息績紡之所餘喪以克舉以族子萬
貴嗣恩撫備隆苦節數十年而卒

馮著妻楊氏子歸二載而著即世氏上事尊長下撫穉
弱家貧幾至斷炊氏晝夜力績以供甘旨訓其孤無
廢業焉親疾藥必先嘗

處女書姐有志操縣東鄉孫學成之女也笄而未嫁乾
隆庚戌初冬女擣衣于室其鄰牛戌者踰垣入以言
調之女奮詈大呼戌懼遂逸去女受辱不勝忿即于

其夕自投井中死

穆氏徐武吉妻也少而寡居舅姑有疾氏日奉刀圭無
違左右十餘年未嘗一日壽寢及丁喪附身棺棺以
及于窆盡禮盡哀宗黨以為賢子瑄琰能承母教焉
史忠妻李氏夫亡氏紡織以養親數十年晨昏不怠鄉
里稱之

劉輔臣妻王氏早孀姑病親奉湯藥衣不解帶迨姑卒
毀幾滅性又好施與嘗出資修建海潮庵
右見續府志

常慶瀾覆校李錫爵校對

